

十五家詞

冊五



線

833.7

734

25



由國家圖書館數位化、典藏

欽定四庫全書

十五家詞卷二十四

休寧孫默編

彭孫適延露詞一

序文從文津閣本補

詩何以餘哉小樓昨夜哀江頭之餘也水殿風來清
平調之餘也紅藕香殘古別離之餘也將軍白髮從
軍行之餘也今宵酒醒子夜懊儂之餘也大江東去
鼓角橫吹之餘也詩以餘亡亦以餘存非詩餘之能
爲存亡則詩餘之人存亡之也向讀彭子羨門與王
子阮亭無題唱和嘆其淫思古意兩玉一時阮亭旣
官揚州羨門有客信宿會鄒子程邨初集倚聲于是
延露之詞成焉然則延露者其無題之餘乎蓋維揚
佳麗固詩餘之地也昔人謂天下三分明月二分獨
照揚州至有人生只合揚州死之語不止十年一夢
而已故登蕪城宜賦西風殘照弔隋苑宜賦金鑠重
門過玉鉤斜宜賦曉星明滅上二十四橋問吹簫玉
人宜賦衣染鶯簧載酒青樓聽竹西歌吹宜賦并刀
如剪進雷塘觀八月潮宜賦玉虹遙掛豈惟平山欄
檻讓文章太守揮毫獨步哉楚大夫芳華竟體若無



湘浦蘅蘭巫峯雲雨則九歌九辨何處生活今以彭
子之才江山助之折大堤之楊柳對官閣之梅花選
樓公子盥手裝書殿脚夫人畫眉捧硯宜其提辛拔
李含柳吐秦與紅杏尚書花影郎中平分風月則維
揚固詩餘之地而彭子乃詩餘之人也有其地有其
人有其人有其詞詩餘人乎人餘詩乎寄語王鄒想
當絕倒如僕者刻畫無鹽唐突西子斯又彭子之餘
也已

小令

十六字令

聽蛩

蟲切切哀吟不肯休愁人處多在五更頭

南歌子

揚州

青雀芙蓉舫紅闌楊柳橋聽徹玉人簫一場花月夢

可憐宵

荷葉盃

問病

花落木樨庭院重見骨細不勝衣支離憔悴總因伊
知麼知知麼知

曲廊

今夜霜風淒緊陣陣行到曲廊邊暗中扶遍小闌干
寒麼寒寒麼寒

搗練子

送春

啼鳥歇小庭空幾陣廉纖幾陣風獨倚危欄閉極目
子城一帶綠陰中

望江南

卽事

山郭靜春色正正紛披楊柳風柔吹絮粉海棠雨膩濕
胭脂憔悴惜芳時

山郭靜樓閣迴連雲歌管邀迴桃葉楫舞茵催試石
榴裙可惜日將曛

山郭靜亭榭最清幽琪樹花殘猶旖旎靈和柳悴亦
風流往事憶成愁

南鄉子

採桑

花草暄妍江南三月浴蠶天陌上羅敷紛紛採摘提籠
立柔柔影裏遲遲日

憶王孫

寒食

梨雲婀娜柳雲斜
閒倚高樓看亂鴉
惆悵王孫天一
涯
不歸家
風雨年年葬落花

如夢令

惜別

昨夜桂堂深處
風翦燈花如絮
玉漏一聲殘
苦死催教人去
無語無語
淚眼頻頻偷覩

春晝

玉礎朝來生潤
滿地落紅成陣
微步下香階
泥宛雙鴛小印
春盡春盡
吹到荼蘼花信

長相思

閨恨

約歸期
期盼歸期
畢竟歸來是幾時
賺人書幌兒
長相思
短相思
盡日相思
君未知
慙慙瘦不支

目成

啟圍從文津閣本補二字
屏下重旌解意銀缸故不
明
今宵好目成
夜香清墜釵橫
燈下頻頻相喚聲
教人待怎生

河滿子

游仙

獻罷金蔬玉菜吹殘鳳竹龍琴好趁天風尋舊侶道
遙碧嶠青岑歸自安期海上懷中一寸仙槎文津閣
本有注秦皇遣徐福入海求一寸槎

分別

寄語

忙裏彈棋擊稍閒時酌酒鳴箏奇服居然人不識高
冠短髮長纓寄語里中兒子何妨謂我狂生

生查子

旅夜

薄醉不成鄉轉覺春寒重枕席有誰同夜夜和愁共
夢好恰如真事往翻如夢起立悄無言殘月生西
弄

去歲

去歲寄寒衣細熨襟前皺春服又重縫何日歸來候
青鳥去傳言只說人依舊腰帶沈郎寬禁得添消

瘦

昨夜

昨夜夢無憑強起窺粧鏡錦字授行人殘麝光猶凝
此去見檀郎情事應詳省生怕不思儂但說慊慊
病

夏日病起 文津閣本無夏日二字

珍傲宋版印

小礎綠陰粘片榻黃梅宛迸水簟文流人藉青苔臥
鄉字幾時來旅病纔輕可往事莫思量想著如何
過

醉公子

訊使

前月行人去屈指來何暮叩戶料應來鄉音傳尺素
尺素幾行餘不見故人書難道不相憶沈吟雙鯉
魚

點絳脣

送春日與袁重其花下小飲

草煖鶯飛行人多上全吳館月洲亭畔重把春衣換
新綠南園已覺參差遍花如霰君今不醉負卻提
壺勸

浣溪沙

病况

卻月橫雲悄未舒看花踏草興全疎屏山寂寞夜何
如燭炧香焦猶未寢幾回偷看寄來書感他珍惜
怕他虛

春遊

花柳暗萋不自堪柔鶯嚙嚙燕喃喃斷腸春色在江南
麥隴摧風輕委浪蘋波蹙雨淨拖藍旗亭歸去
酒微酣

客中小寒食作

客裏佳辰祇自憐白榆初改漢宮煙覆堤柳色正三
眠芳樹乍聞花氣息小樓幾見月團圓教人無奈
暮春天

踏青

翠浪生紋漲曲池春深閨閣弄妝遲弓鞋羅鞵踏青
時鴉鬢輕分金縷縷燕釵低颭玉差差杏花香雨
細如絲
一幅帆飛十里流白蘋芳渚放輕舟洞天何處最深
幽紅杏枝頭寒食雨碧桃花外夕陽樓千條弱柳
綰春愁

艷情

睡起文津閣本作鴨淒清夜未眠銀缸猶在文津閣
本作荷低炤象牀邊七襄錦被八蠶綿 臯厭細按
紈簟上諾龍私貯繡襟前玉郎常得玉人憐文津閣
本有注臯厭見水經注

閨思

蟬翼裁成稱體衣妍和風日燕交飛遠山泓黛一行
低 雨滴櫻桃隨淚落心緘豈惹怯人知殘花飛文
津閣本作鶯新絮斷腸時

美人春睡

粧閣深深鎖碧苔春眠嬌倚避風台海棠著雨未全
開 金蝶暗寬文綺帶玉鉤微卸錦綦鞋檀郎莫自
詭人來

長文津閣本作鑿江舟中集劉隨州句寄孫

無言

古木寒蟬滿四鄰蕭條環堵絕風塵何年家住此江
濱 漢水楚雲千萬里不堪秋草更愁人臨歧南望
一沾巾

初夏

小閣冰簾軸畫叉水沉煙重暈輕紗鵲爐分火潑新
茶 綠竹傳將歡子粉紅蕉憐殺美人花一池春雨
鬧鳴蛙

伊川令

為阮亭題余氏女子繡洛神圖

采珠拾翠紛來往羅鞵輕盈樣向處通辭波上上腸斷
東阿才子一賦千秋悲愴鍼神原是魏宮人重拈出

洛靈小像

卜算子

賦艷

又報玉梅開笑泥青娥飲去歲留心直到今醉裏如
何禁身作合歡牀臂作游仙枕打起黃鶯不教啼
一晌留郎寢

夏至日

已過困人天又把黃梅做試捲疎簾一倚闌小雨吹
紅醋草草百年身悔殺從前錯來日還如去日長
沒箇安排處

有懷

簾影滑生雲蓮子清過水好月微風入夜分記起當
初事木鈿盒悵空存愁病看如此仔細從前暗忖量
值箇相思死

醜奴兒令

雨窗讀悔菴弔琵琶樂府

從頭細數傷心事幽怨琵琶哀拍胡笳一代紅顏萬
里沙沈吟掩卷愁無限風鬧窗紗雨滴簷牙蛺蝶
多情苦殉花

臨別

畫橈約在春初發，暗數流光羞整新妝。不到臨時已斷腸。
繡幃今夜人清悄，雨滴空堂。花落空缸，數盡更兒懶上牀。

減字木蘭花

重過鴛水客樓

鴛鴦湖畔曾醉嬌，歌聽翠管湖雨湖煙不見於今又幾年。
重來飄影蘭葉蘋花秋色淨，題句空留行裏塵生水面樓。

菩薩蠻

京口遣信南歸因題書尾

繡衾孤擁春寒峭，窗前小玉迎人笑。報道遠人回，郎君有信來。
循環都讀遍，腹內車輪轉。何日卻歸家，慼慼瘦損花。

中秋月落催蘭棹，清明寒食逡巡到。青鳥縱傳書，不歸仍是虛。
舊歡真似夢，畢竟功名重。含淚待歸期，從頭細問伊。

去年除夕蘭缸下，熏香被酒更深罷。彈指又嘉平，迢遙薊北行。
門庭清似水，淚滴鴛鴦被。夜夜捧心眠，何人著意憐。

紅輕文津閣，本作斷紅小頰芙蓉淺。檀痕新漬香襟。

暖雁字下平蕪還勝雁也無
情知歸未得不是輕
拋擲寄語好好加餐春來風雨寒

除夕阮亭廣陵署中守歲

節序驚心殘臘盡同雲霰雨寒猶緊
小煖逼爐煙江
春入舊年
芳柑傳綺席好事過除夕香雪動園梅
春迴人未迴

閨情

畫檠未燼花如雨當窗手弄春鶯語
半面最宜人屏
山一線痕
十重緜綺被赤翡交青翠生小怯孤眠
郎衣手自牽

春愁

平蕪南浦萋萋碧殷勤別淚紅巾濕
花信半摧殘高
樓簫管閒
金猊空自爇不解鴛鴦結何物似相思
相思無盡時

夢起

秦篝小炷銷宮餅繡衾一疊文鴛冷
儂已不成眠知
伊更可憐
晨光生牖裏曉幙長孤起春夢太分明
關人半日情

春寒

夜寒酒薄眠初覺一鉤殘月懸樓角
小篆冷香筒香

煤半粟紅
垂簾還涉想彷彿金釵響數盡短長更
東方不肯明

暮秋閨思

層波不轉眉山蹙有人倚遍闌干曲雲洗碧天空殘
陽雁背紅寒林煙冥冥不見歸帆影望斷又今朝
離魂脈脈銷

樓眺

一抹煙鬟青不了遙天幾點寒鴉小落日挂簾鉤捲
簾人倚樓雲帆何處度日盡江南路窈窕月華生
斷腸今夜明

題青溪遺事畫冊和阮亭韻乍遇

南園粉絮漫天起玉闌干外花陰裏初試薄羅衣金
蟬顫欲飛無端郎驀見剗鞦輕風扇驚起宿鴛鴦
裙拖繡一雙

又夜飲

春檠雙吐緋羅燭文犀酒泛葡萄綠裊裊洞簫聲牙
娘按字清投瓊聊作戲莫把郎君文津閣本作賺
蕭郎醉今夜好秋光月明衾枕涼

又私語

棠梨落盡花如雪雙雙照影昏黃月泓泓黛秀聯娟雲

鬟亞玉肩一凭闌羅襪倦坐損春衫茜小語怯聽聞
嬌波橫覩人

又圍碁

湘蘭九畹垂垂吐雕籠巧喚紅鸚鵡長日試敲棋嬌
慵落子遲儂家誇好手賭勝朱櫻口卻斂細蛾兒
含羞欲悔時

又迷藏

海棠開遍清和近輕蟬低掠雙文鬢玉體藉花藏花
深珠露涼青衣能暗邏莫使窺人躲人影墮高枝
玲瓏月一絲

又彈琴

梧桐深院鳴秋葉秋香小炷氤氳玉指弄哀彈琴
心雲水寒園絲珠作串字字含清怨清怨寄三湘
眉峯九曲長

又竊聽

朱絲宛轉垂銀蒜今宵底事拋針線怪煞太風流頻
頻撼玉鉤千般輕薄箇可也羞燈火漸覺麝香文
津閣本作蘭微畫屏人欲迷

又讀書

小窗鮮碧凝修竹窗前自有文津閣本作試展珠函

讀日永靜無人風來散帙頻文新粧嬌半面莫使悲

啼文津閣本作團扇明文津閣本作纖月挂簷頭牙

籤索罷休又潛窺

玄霜搗罷明于雪奉帷人似嬋娟月何必怨羈雌有

人簾外窺嬌羞生不慣驚避檀郎看香汗玉膚潮

無聲落鳳翹

又葉子

竹窗晝永清無事南朝舊譜翻新思奇正巧能兼犀

籌手自拈郎休嗔葉子葉葉郎相似盡日掌中擎

歡情一紙輕又情外

花梢荳蔻含春色風狂雨驟相狼藉懊惱錦屏空胭

脂滿地紅諸姨偷看文津閣本作戲著調笑多輕

薄一曲後庭花前身張麗華

又秘戲

枕函膩險明雙玉纖蛾接黛攢新綠歡淚粉香垂為

郎忍片時金鋪橫屈戍皓腕頻頻覷覷向蠟燈中

臂粧深淺紅

巫山一段雲

雨窗與程村夜話

歲月閒中老容華暗裏消清槐好為繫繫字從文津

閣本補征舳濃綠染長橋聽雨僧房文津閣本作

廬靜尋詩竹院遙燭花落盡又頻挑不寢費蘭膏

南譙道上

暮火投山郭朝寒過驛橋江雲一色秣陵潮抹斷蔣

山腰秋色低鴻雁清霜急皂鷗汀蘆沙葦冷蕭蕭

風雨入南譙

為侯大年賦催妝

侯第珠為帳金閨鈿作車水沉香炷博山爐今夜極

歡娛顧影雙龍鏡更衣百寶襦畫眉深淺入時無

笑指月生初

柳含煙

本意

永驛下戍樓前寒食清明過也淡煙疏雨落花天恨

綿綿風起長文津閣本作灞橋如雪短葉枝垂可

文津閣本作長條堪折一春只覺別離多奈愁何

謁金門

春夢白

春愁積一片角聲清急天上佳期無信息行雲何處

十五家詞卷二十四八中華書局聚

覓靜掩流蘇帳額還似見伊顏色夢破五更風瑟
瑟紙窗涼月白

好事近

落葉

一葉爲誰飄染就十分秋色欲借江郎青管賦閨中
新什小鬟石畔掬清泉捧硯洗殘墨好向斷紅紋
裏認玉人書跡

金蕉葉

新月

新蟾恰恰轉花梢照人半霎誰將明鏡彈破纖纖小
指甲又似人兒瘦怯染輕雲犀梳倒插朝來鉛粉
洗淨蛾黃露一掐

清平樂

吳中柬寄百旃

少年情緒分付東流去水上浮漚花上露一霎蜉蝣
日暮故人休問彈冠心隨雲水同寒覓得新來活
計筆牀茶灶蒲團

憶秦娥

黃薔薇

清明近好風初占薔薇信薔薇信脂輕粉薄天然檀

暈夜來已覺春寒困曉妝約略黃兒褪黃兒褪清
文津閣本作幽香一滴露珠新搵

憶少年

憶遠

閒來極目模糊文津閣本作朦朧不辨江天雲樹懷
中數行淚向何人彈與日日潮迴烏角渡趕不上
郎君文津閣本作蕭郎行處仙裙且休繫仗東風吹
去

更漏子

五日

展羅衣寬寶帶文津閣本作纈團就一窩香雪珠箔
下畫屏中重施繡抹胸梅雨濺荷風扇釵上翠符
頻顫多少事費沈吟日長倦不禁文津閣本有注
毛熙震詞繡羅紅嫩抹酥胸

午飲

額粧輕眉影細髮際瑩瑩光膩收寶鏡注沈煙低頭
急繡纏菖葉碧榴花文津閣本作房赤午酒中人
無力羅袂薄晚風涼幽蘭被體香

荊州亭

晚眺

小閣愁來獨倚四合彤雲垂地若要不思鄉夜夜除
非沈醉酒後寒生半臂著處牽縈人意珍重舊羅
巾曾搵美人香淚

甘草子

今夕

春恨耽過年時今夕消除盡花月也羞明兩兩嬌生
文津閣本作生嬌暈階下綠陰文津閣本作茵清
穩合眼處蘭縑初褪一齧文犀為伊忍狂殺人風韻

阮郎歸

旅思

院門花影鎖重重行雲天外峯夢魂吹去杳無蹤此
時愁殺儂風剪剪月朧朧春霜壓被濃萬千心事
霎時中獨兒撼曉鐘

春曉

靈扉誰為捲仙旌霞光透月櫺幾回欲起又消停朝
寒不自勝明鏡啟曉篝輕宮香分外清依微花氣
滿雲屏春禽無數聲

歸思

玉河官酒送行時輕黃遍柳絲仙橋認取再來期花
驄驕欲飛人事換歲華非江雲望眼迷年年風雪

滿征衣思歸又怕歸

眉峯碧

春閨

漫把重簾約已覺朝寒略春色原來一夜深看桃李
參差發紅淚垂銀蠟煙縷青于髮午幙人聲悄不
聞隔花細雨流鶯滑

眼兒媚

秋思

空階夜雨滴心頭涼雁過西樓一行秋色十分歸思
萬點離愁自被浮名羈絆後長似斷篷流淒淒雙
杵朦朦殘月渺渺孤舟

錦堂春

東旣庭

塗轍正妨我輩溪山合老狂夫爲報故人休復爾鐘
鼓駭爰居心已絮泥灰木身拚月媵花奴須知富
貴非吾願遮莫執金吾

桃源憶故人

社日

平臯翠縠濃於染一幅晴蕪青蒨社舊酒徒零亂添
得紅襟燕粉榆往事還重見竊炙歸來春宴人在

櫻桃庭院今夜停針線

攤破浣溪沙

讀高季迪缶鳴集此題從文津閣本補

何處登臨憶侍郎無邊草樹路微茫
依舊青邱湖下水接東江
舊宅已隨煙裏沒遺編曾向篋中藏
歎息當時同輩少壓徐楊

武陵春

和漱玉詞同阮亭作

柳驪鶯嬌蜂蝶鬧春色滿枝頭
暮雨朝雲不肯休遮
莫太風流花滿湘江波正綠
莫上木蘭舟若向湘江共艤舟
又添得一般愁文津閣本有注
末句多

一字照原本

將遊吳門先寄家兄雲客

三月韶光應已暮
花事委行塵畫帆擬向石湖濱
修禊及佳辰寄語流杯亭下客
沽酒莫辭貧風吹船玉皺紅鱗
一嘔木蘭春

太常引

留別

脆紅嬌白媵殘春香夢細於塵
畫閣又斜曛空羨殺烏龍錦茵
無邊風浪無憑書札從此隔重闥
一掬

小江津浣不去相思淚痕

柳梢青

感事

何事沉吟小窗斜日立遍春陰翠袖天寒青衫人老
一樣傷心 十年舊事重尋回首處山高水深兩點
眉峯半分腰帶憔悴而今

月中行

別意

細絲新帶文津閣本作越絲新裝小裙腰翠帶逐風
飄水葱仙席索春饒脈脈暗肌銷 銀箏玉管無心
弄人靜後幾點清譙相憐端的只今宵不睡也難消

滿宮花

南園

試青鞋褰翠袖春色南園堆繡白頭猶說廣陵王能
使行人回首 錦衣城今在否見說當時宮囿陌上
誰歌緩緩歸只有花開如舊文津閣本有注南園

在姑蘇子城西南廣陵王錢元璪帥吳時所創衣錦
城在臨安吳越王素所居營也

欽定四庫全書

十五家詞卷二十五

休寧孫默編

彭孫通延露詞二文津閣本二作中

小令

少年遊

席上有贈

花底新聲尊前舊侶一醉盡生平司馬無家文鴛未
嫁贏得是虛名當時顧曲朱樓上煙月十年更老
我青袍誤人紅粉相對不勝情

思越人

題余氏女子繡西子浣紗圖文津閣本有注

同程村阮亭作

有仙絲寫美曠依然南國娉婷石畔浣紗今在否溪
流猶爲人清興亡吳越眉顰上鴟夷枉鑄遺像日
暮百花洲下路珊珊步履餘響

醉花陰

和漱玉詞同阮亭作

花影枝枝搖午晝桂炷銷獅國朝詞綜作金獸愁病
怯登高幾陣西風吹得羅裳透闌干星月三更後

玉露沾香袖心事寄誰行約略腰身轉覺秋來瘦
怨王孫

春暮和李易安同阮亭作

春陰晚晚薔薇庭院謝女樓空秦娥夢斷倩柳色把
情傳結纏綿 當初小喜將人惹還拋捨煞是無賴
也別來又過寒食幾樹橫斜斷腸花古詩小喜多唐
突相憐能幾時

又

銀箭聲悄金屏思惱香夢和雲流鶯弄曉一樹樹海
棠紅不禁風 風狂雨驟傷心處花落去穠艷空辜
負登樓一望天際目盡南雲鎮思君

雙調望江南

初見

初見見處記得在東臬曾與酒人司白墮便從仙籍識
青要顏色為鮮嬌 行酒罷息文津閣本作滅燭更
相邀並體花間剛好凌波一捻已魂銷何況是今
宵

浪淘沙

戲贈閨人

生計漫匆匆賣賦臨邛黃金先為貫新豐伊唱吳趨

儂起舞激楚迴風 此處不留儂甚處留儂小朱慵
粉若爲容一事與卿權領取酒誥花封

代答

曉起弄粧慵笑指吳慵白衣夫婿白頭儂今日海棠
花下飲端與誰同 雲水楚天重誰繫郎蹤任伊夢
遍十二峯解識近來勤入道懶向花叢

懷歸

漏永夜如年撥盡爐煙乍晴又雨晚秋天切切暗蟲
窗外語欲斷還連 寒色透重綿若個周旋自家將
意自家憐何日歸來相訴也月下星前

客窗夜雨

寒雨太連綿一抹江天廣陵鐘絕文津閣本作斷夜
無眠何事秋聲吹不了長打窗前 酒後轉淒然著
處堪憐故鄉只在睡鄉邊好囑夢兒歸去也片刻團
圓

杏花天

美人題紅葉

安排秀句描秋思正正沈吟湘毫欲試風前紅葉輕於
紙薄命生憎似此 堪惆悵美人獨自碧雲杏佳期
未至有情盡解相思死消得銀鈎幾字

摘紅英

客中聞賣花聲

東風緊吹芳信賣花聲隔牆頭粉耽人恨教人困賒
得春光為誰簪鬢青兒嫩紅兒褪夢迴蝴蝶難重
認情兒悶心兒忖別來幾日玫瑰開盡

紅窗睡

舟泊廬山下寄吳爾世

薄暮江濱燒竹尋煙見水面漁燈三兩香爐五老青
冥上正峯峯相向猶記此中君獨往料此後雲巖
松瀑依依夢想因風傳語道廬山無恙

河傳

和溫飛卿

愁緒如許對清宵砌竹風敲蕭蕭一聲兩聲魂欲銷
無聊冬缸凝玉膏却抱雲和傳素怨芳信晚腸併
危絃斷夜烏啼林葉飛淒其小窗月又西

鷓鴣天

戲題閨人宮文津閣本作團扇

蘭吹如煙細不聞紅蕤夢冷浸香雲大垂手處千金
意小比肩時兩玉人珠有暈玉文津閣本作璧無
痕怎生消得許多春願將巫女峯頭水形影團來併

一身

春暮偶贈文津閣本無春暮二字

上社橋頭鬧綵韉黃鸝巷口按歌年當筵淥酒從無
誤隔坐拋鉤絕可憐良宴會好因緣玉兒顏色雪
兒絃別來多少傷心句寫付吳中水碧箋

詠美人眉

淡文津閣本作麝月纔分一寸彎長鬢短暈淺深間
療饑自有滄來色消渴因看遠際山螺子細柳絲
寒兩峯天外碧相攢翠蛾一滴能傳語管住春愁不
放還

詠美人指甲

知向窗中弄彩毫墨痕隱隱沁紅么手揮玉柱頻教
剪指撥沈煙旋欲焦風力折嫩蘭苕夜來輕蘸碧
雲醪芳心要使檀奴覺一掐春肌暈未消後四字從
文津閣本補

玉樓春

五日飲虎邱山下題壁

越衣當暑清風至芒鞋偶過雲巖寺虎邱山下故人
家能倒金樽留我醉醉後難平多少事仰天欲問
天何意偏使雞鳴狗盜生却令賦客騷人死

天回意 贈河內賈雲谷

三河自昔繁華地君最風流堪自喜莫向天涯作旅
愁人生大約如萍寄 曲江當日曾連轡盛年略與
荀郎似今朝試向鏡中看不覺已年三十四白樂天
詩不覺明鏡中忽年三十四

三月晦日歸舟

淡煙斜日長亭暮難得韶光容易過文津閣本作度
江南無限斷腸花枝上東風枝下雨 萋萋芳草傷
心路一片雲帆天外渡人從春色去邊來舟向夢魂
來處去

步蟾宮

書姬人素領巾

一泓香雪團金釧卸仙銖輕盈如剪分明只是洛川
神送微波波靈綃乍捲 人間天上誰曾見生受了玉
柔花軟情知薄福為伊消拚不做黑頭王掾

雨中花

解嘲

麴生已拜尚書尹毛生又攝中書品橘叟千頭竹君
千戶盡領通侯印 羽客乘軒花錫袞先生豈合長
棲遁官柳排衙官蛙鳴鼓官補南柯郡文津閣本有

注羅虬有花九錫

夜行船

花底私語

半鞦鴛鴦綃輕蘸碧軟春纖湘紈無力圓靨初分橫波
欲瀉心事有誰知得解意芳姿偏作劇故意兒弄
人羞澀笑指蓮花向儂偷問可似粉郎顏色

虞美人

詠虞美人花

香魂帳底隨煙冷判與春風領柔枝留得可憐名一
捻紅衣猶似舞人輕嬌歌小按傷心拍楚楚綃裳
濕玉環飛燕已成塵不道虞兮原是此花身

偶賦

小樓昨夜霜華凝膏薄蘭心冷紅煙幾縷暗香濃可
惜一場歡會太匆匆今朝行到紗窗下剛值梳頭
罷回眸一笑轉嫣然恰似三生石上文津閣本作畔
舊因緣

閨情

連枝蘭燭熒熒影簾外秋風冷神絲繡褥鬱金香不
覺犀梳低墮枕函傍纖纖玉指如萌削數遍陽台
約脂殷粉弱最傷情偏是行雲夢好易爲醒

燈下

繞廊試覓芳蹤去數點蘋花雨九微燈下見渠儂恰似巫山神女夢中逢月稜隱約唇朱小簇蝶湘裙裊玉簫吹徹獸煙温温記得橫波不轉暗窺人

登太白酒樓和董蒼水韻

青蒼齊魯垂垂小十二山河遶啣杯笑煞世人忙不道次公當日醒而狂騎鯨客去煙波暝碧落無音信振衣一上謫仙樓遙望長安不見使人愁

南鄉子 第三體

採蘭

微雨過池塘玉骨方勝翠莞涼乍起猶然閒徙倚紗窗一葉紅蕖墜筆牀楚畹媚幽芳小摘蘭叢助曉粧半晌沈吟緣底事思量有箇人兒竟體香

鵲橋仙

清明

煙蕪瀉浪晴川鋪練一陣風來吹皺韶光百五禁煙時又過了幾番花候天桃染暈垂楊拖線萬點春光泄漏口噙紅豆寄多情為誰把相思嘗透文津閣本有注紅豆名相思子

踏莎行

悼兄女

四韻拈成六書摹遍小窗夜夜温文選繡牀竟日不
聞聲閒來學弄湘妃管 白壁難堅彩雲易斷此生
何日文津閣本作處重相見長文津閣本作鑿江一
紙斷腸書淚痕遙洒登高宴

春暮

鶯擲金梭柳拋翠縷盈盈嬌眼慵難舉落花一夜嫁
東風無情蜂蝶輕相許 尺五樓台秋千笑語青鞵
濕透胭脂雨流波千里送春歸棠梨開盡愁無主

題美人畫扇

點點凌波些些眉嫵玉蓮花下私行去花光臉色不
分明紅酥欲凝嬌無語 醉玉如煙汗妝如雨風流
體態還如許羅衣恰好半身長依稀已到銷魂處

將遊嶺南却寄

荔子香寒珠宮色冷綠溪雨暗桃榔影枉將淚眼望
望字從文津閣本補南雲夢魂不度梅花嶺 翠羽
雙飛素馨千頃此方仍是繁華境仙梅開日是來時
一枝歸把相思贈

虞美人 第二體

錫山舟中獨酌

玉卮如雪溶溶白卮酒還同色水雲影裏叩船舷無
情月也解相憐為人圓 墟頭肯典鸛裘否歸取文
君酒碧桃花下醉摩娑秦箏趙瑟倚聲歌樂誰多

小重山

扶病

遲日園亭禊事收那時扶病送上蘭舟千絲萬緒在
心頭方寸地著得許多愁 風雨幾曾休怪來人意
冷似新秋晚天莫倚最高樓樓下水一曲斷腸流

中調

臨江仙

遣信

青瑣餘煙猶在握幾年香冷巾幘此生為客幾時休
殷勤江上鯉清淚濕書郵 欲向鏡中扶柳鬢鬢絲
知為誰秋春陰漠漠鎖層樓斜陽如弱水只管向西
流

聽雨

倚枕清宵愁不寐紙窗亂撲春蟲尖寒偏易掠輕容
空堂羣響寂人在雨聲中 五夜蓮籌頻下盡料應
花睡方濃可憐零落綺香叢蜀魂悽欲斷相對泣殘
紅

姑蘇懷古

千載霸圖銷歇也西風廢苑長洲吳東門外一江秋
賸將亡國恨不盡古今流 台上鷓鴣台下鹿興亡
轉盼都休煙波空羨五湖遊青山和綠水已文津閣
本作遷換幾漁舟

聞聲

鞞袖無言檀注小窗前曾見微行隔窗聞喚侍兒名
風飄鶯語脆故是向人聲 兩字輕綃和小玉千嬌
百媚橫生吹來氣作楚蘭馨今生有分麼消受一聲
卿

唐多令

人日雪中立春

玉砌爛仙葩朱棋渲紫霞小梅幾點逗簷牙綵勝銀
旛齊插鬢沒多箇一此些 繡帖熨窗紗窗中金縷
花東風力軟半天斜吹起一庭香雪舞春先到謝娘
家

蝶戀花

寒夜閨情

珠漏頻催冬夜永寒月窺人人人在清虛境十二屏山
湘水淨香蕤枕畔紅冰凝 累歎紫茸風約定半

响無聲似睡依然醒壁上餘燈金燼冷帳紋細裊沈
煙影紫茸帳名

雲間別蒼水

黃鳥間關啼不住斷送殘春陣陣桐花雨幾日西窗
深夜語微吟每到銷魂處 圓泖潮生西日暮三老
長年抵死催人去執手高樓輕別取錦牋空贈相思
句

旅夢又疊前韻文津閣本無旅夢二字

世事關心難得住北渚停橈一夜孤篷雨不見美人
誰與語空江月落潮平處 黯黯碧雲天薄暮酒冷
香殘無計驅愁去他日重來還看取玉鳥新製驚人
句玉鳥蒼水詩集名

一剪梅

答貽上餉酒

路近槐安且薄遊朱邸封侯綵仗鳴騶南柯五馬最
風流莫問隋樓只問秦樓 三十無官欲白頭天上
消愁地下埋憂半生知己兩人休從事青州司理揚
州

和漱玉詞同阮亭作

萬疊青山一抹秋天半歸雲天外歸舟何時玉席手

重攜同拂香巾同上朱樓 南浦寒潮帶雨流只送
人行不管人愁吳天極目路透道海湧峯頭薛澱湖
頭文津閣本有注○古詩香巾拂玉席共郎登樓寢
虎邱山一名海湧峯

攤破醜奴兒

閨怨

秦樓誰管三生約花下行春月下行雲鸞鏡從生蛛
網塵也囉難道是一心人 爲伊禁得多煩惱收拾
羅裙打疊羅巾一捻香酥滿淚痕也囉難道是不思
君

定風波

晚坐

風墮涼螢夜色微玉池蓮葉碧痕齊行到曲廊將盡
際難避意錢人在小窗西 似水天階閒坐遍試看
三星猶自爲人低一種御香通氣處何許暗中不道
換羅衣意錢卽攤錢也見梁冀傳

漁家傲

梁溪道中

遠樹生煙漠漠起九龍峯色青于髻素字誰傳江上
鯉歸也未山川一片悲秋氣 三尺蒲帆風力細儂

家遠在吳江尾一種相思千樣味心兒裏秋茶只覺
甘如薺

春夜

窈窕紅雲明畫閣繡簾不動金鈴索欲雨春繁花自
落東風惡峭寒今夕誰先覺 忽憶前歡還似昨無
言倚遍明霞幄新燕輕盈垂柳弱人如削玄霜夜搗
長生藥

寫恨

春雨春風寒翠箔楊花也似人輕薄魚子花牋山海
約當初錯當初錯畫鴛鴦諾 十幅紅裙金縷雀近
緣修道渾閒卻手把琅函書一握從今莫從今莫更
相思著

蘇幕遮

婁江寄家信作

柳花風榆莢雨檢點春光去也何匆遽紅淚飄零千
萬樹亂鶯啼到無聲處 旅顏殘歸計誤日日尋思
臨別叮嚀語欲倩文鱗傳尺素婁水無情不肯西流
去第六句少二字

醉春風

私調

半妥偏荷髻小立朱扉裏妙齡取次問伊行幾幾幾
綠似珠鮮碧同玉豔一般年紀香臂紅粧膩秀黛
青煙細不知曾否破瓜無未未今夜羅幃月明人
靜怕難迴避

私會

驀地相逢乍三五團圓夜幾回解帶又沈吟怕怕怕
衣上香濃口邊朱損有人驚詫好把紅茵藉更取
青鬟卸爲伊相詫不能休罷罷索性迴身恣他憐
惜柳嬌花姹

風中柳

立春日平原道上作

芳甸青旗山縣迎春時候無端獨向風塵走去年今
日酒重沾衣袖簾幙捲花封如繡迢遞家園景色
還應依舊高樓不展橫雲皺重門深掩鵲腦歎金獸
怕春來更添消瘦文津閣本有注○十眉圖有橫雲
眉

離別

槐樹陰濃小院晚涼時節別離可奈腸如結歌喉輕
轉聽唱陽關徹情脈脈幾回嗚咽細語叮嚀道且
自消停歇燈火高城更未絕殘粧重整送向門前別

拼今宵為伊啼血文津閣本有注道字襯

行香子

賦恨

取次相親打疊消魂再休避小腰魚鱗箇時心事費
盡温存有幾分憐幾分愛幾分嗔參橫斗轉匆匆
歸去木蒼琅隔斷重津分明眼底欲見何因似鏡中
花水中月夢中雲

小院殘春

小院殘春金鎖重門花陰裏隔子迴紋彈琴清夜待
月黃昏想那時情那時事那時人三年一瞬兩情
千里似蓬科飄泊江村淒涼玉柱慘淡金樽看燈如
雨雨如夢夢如塵

青玉案

九日

寒煙衰柳西陵路是是字從文津閣本補一幅悲秋
賦凝望衡皋天欲暮蕭風吟葉濕雲粘樹不見登高
處東籬把酒黃花吐應插遍茱萸無數美景良辰
誰與度露蛩聲咽霜砧響斷枕上瀟瀟雨

感皇恩

題北隱山房

深戶映花關紙窗茅屋栽就瀟湘萬竿竹捎雲拂日
染出一庭濃綠石牀欹枕處茶初熟 中有高人棲
遲空谷冰雪滌洄絕塵俗欲遺雜佩采采露蘭霜菊
相思何處也人如玉

小桃紅

題悔庵桃花源樂府

好把荷衣製歸隱從茲始煙外迷津雲中問渡桃花
春水想武陵當日避秦人五柳前身是 一曲紅牙
試千載還神似玉骨蟬輕仙蹤羽化碧霄高逝想世
間不屑折腰人今古皆如此

千秋歲

題袁重其侍母圖

金盤玉七斟酌西池醴傳妙舞流仙吹斑衣娛此日
霜哺思前事北堂上粲然一笑慈顏喜 見說麒麟
瑞巧向懷中墜應解識之無字添枝桐月閨入夢蘭
雲細願歲歲青春白髮看兒戲

傳言玉女

題余氏女子繡柳毅傳書圖同程村阮亭文

友分賦

霧鬢風鬟憔悴洞庭秋葉湘雲淚滿點點鮫人血緘

愁欲寄去雁遠衝江雪兒家何處綃宮璇闕人涇水
歸來依舊珠輝玉潔此情難負更把紅絲結昔人已
往如聽當年嗚咽素書一紙銀針千疊

祝英台近

重陽後一日揚州別程村阮亭

遠峯文津閣本作山青寒渚碧零落紅衣暮流雪迴
風陣陣蘆花舞秋光欲斷人腸重陽過也猶做作滿
城風雨 太匆遽乍可一曲驪歌便上蘭舟去水雲
無際何處尋前渡依稀認得歸程黃葉清江是昨夜
夢中來路

蕙蘭芳引

答悔庵餉酒茗

不斷鄉愁煙水外風帆如簇恨芳草斜陽迢遞偏傷
遠目扶筇歸去正東隣酒香茶熟乍飛箋來到空館
敲殘寒玉 綠蠹頻浮翠旗初文津閣本作纔展頓
消煩燠有紫鱸千頭更汲取碧琳千斛石爐徐沸葛
巾新漉倚南窗一枕清眠初足文津閣本有注更字

襯

驀山溪

舟中殘月

芙蓉湖畔點點喧津鼓何處是歸程輕鷗外一聲柔
櫓香銷酒薄早是不成眠怪好月故相撩枕畔時來
去方暉圓景搖曳紛無數風勒水聲寒又激起吳
歛淒楚夜長夢短此意有誰知算只有廣寒人知我
傷心處

洞仙歌

元夕

千門萬戶一片笙簫文津閣本作聽踏歌聲遍數里
歌聲文津閣本作一派笙簫暗塵遠有清香文津閣
本作麝蘭通氣羅綺如雲香過處隱隱紅簾盡捲
閒行南北曲玉醉花媽爭簇天街閨娥轉更誰家豔
質燈火闌干驀地裏夜深重見向皓月光中費疑猜
不道是今宵廣寒人現

法曲獻仙音

九日揚州寓舍得錢大幼日秋試捷音作此
却寄

黃入宮槐香分月桂仙宴鹿鳴初舉江上峯青曲中
人遠傳遍湘靈佳句錦箋遙芳信速早到竹西路登
高處憶當日篝燈深語西窗下樽酒論文幾度綵
筆掣青霜霜字從文津閣本補不加點賦成鸚鵡共

說錢郎好添修龍樓鳳宇問少年同學若箇才情如許

十五家詞卷二十一十五

詞一
詞二
詞三
詞四
詞五
詞六
詞七
詞八
詞九
詞十
詞十一
詞十二
詞十三
詞十四
詞十五
詞十六
詞十七
詞十八
詞十九
詞二十
詞二十一
詞二十二
詞二十三
詞二十四
詞二十五
詞二十六
詞二十七
詞二十八
詞二十九
詞三十
詞三十一
詞三十二
詞三十三
詞三十四
詞三十五
詞三十六
詞三十七
詞三十八
詞三十九
詞四十
詞四十一
詞四十二
詞四十三
詞四十四
詞四十五
詞四十六
詞四十七
詞四十八
詞四十九
詞五十
詞五十一
詞五十二
詞五十三
詞五十四
詞五十五
詞五十六
詞五十七
詞五十八
詞五十九
詞六十
詞六十一
詞六十二
詞六十三
詞六十四
詞六十五
詞六十六
詞六十七
詞六十八
詞六十九
詞七十
詞七十一
詞七十二
詞七十三
詞七十四
詞七十五
詞七十六
詞七十七
詞七十八
詞七十九
詞八十
詞八十一
詞八十二
詞八十三
詞八十四
詞八十五
詞八十六
詞八十七
詞八十八
詞八十九
詞九十
詞九十一
詞九十二
詞九十三
詞九十四
詞九十五
詞九十六
詞九十七
詞九十八
詞九十九
詞一百

詞一百一
詞一百二
詞一百三
詞一百四
詞一百五
詞一百六
詞一百七
詞一百八
詞一百九
詞一百十
詞一百十一
詞一百十二
詞一百十三
詞一百十四
詞一百十五
詞一百十六
詞一百十七
詞一百十八
詞一百十九
詞一百二十
詞一百二十一
詞一百二十二
詞一百二十三
詞一百二十四
詞一百二十五
詞一百二十六
詞一百二十七
詞一百二十八
詞一百二十九
詞一百三十
詞一百三十一
詞一百三十二
詞一百三十三
詞一百三十四
詞一百三十五
詞一百三十六
詞一百三十七
詞一百三十八
詞一百三十九
詞一百四十
詞一百四十一
詞一百四十二
詞一百四十三
詞一百四十四
詞一百四十五
詞一百四十六
詞一百四十七
詞一百四十八
詞一百四十九
詞一百五十
詞一百五十一
詞一百五十二
詞一百五十三
詞一百五十四
詞一百五十五
詞一百五十六
詞一百五十七
詞一百五十八
詞一百五十九
詞一百六十
詞一百六十一
詞一百六十二
詞一百六十三
詞一百六十四
詞一百六十五
詞一百六十六
詞一百六十七
詞一百六十八
詞一百六十九
詞一百七十
詞一百七十一
詞一百七十二
詞一百七十三
詞一百七十四
詞一百七十五
詞一百七十六
詞一百七十七
詞一百七十八
詞一百七十九
詞一百八十
詞一百八十一
詞一百八十二
詞一百八十三
詞一百八十四
詞一百八十五
詞一百八十六
詞一百八十七
詞一百八十八
詞一百八十九
詞一百九十
詞一百九十一
詞一百九十二
詞一百九十三
詞一百九十四
詞一百九十五
詞一百九十六
詞一百九十七
詞一百九十八
詞一百九十九
詞二百

欽定四庫全書

十五家詞卷二十六

休寧孫默編

彭孫通延露詞三二文津閣本三作下

長調

滿江紅

和梅庵生日自題小影韻

解組歸來便黃綺欣然相許休重問屈生詹尹賈生
 季主酒後擘箋霏豔雪花間量屐粘香雨待穀巾葛
 帔老溪山招尋處今絳灌在堪誰與義皇遠還空佇
 向歌樓乞食講筵高踞右北平中埋羽箭吳東門外
 沈簫鼓但短衣匹馬盡餘年無他語文津閣本有注
 ○梅庵曾官永平古右北平地卜居葑溪卽吳東門
 也

又

誰傳先生須記取門前五柳問何人素心晨夕村童
 隣叟世上滄桑纔轉瞬夢中金紫難回首看當時花
 月滿姑胥今存否也不羨柔荑手也不慕櫻桃口
 只蕭然偕隱鴻妻萊婦松節且揮高士塵竹林試醉
 賢人酒任黃金斗印綰通侯功人狗

華遜來與予同甲以端午前一日生因有此
贈

不飲何為把一切窮愁盡掃看門外花明草暖天中
時到繡虎銀符都插遍那堪令節成吾老喚紅巾翠
袖為君歌聲繚繞 人世事堪成笑餘子輩寧須道
儘東塗西抹誇他年少擬作山中同甲會天涯知己
樽前少向南隣呼取洛陽生同傾倒文津閣本有注
○洛陽生謂河內賈子雲谷亦辛未生也時同客吳
下

五日看競渡

且往觀乎閶門外今朝水戲見兩兩靈絲艾虎釵頭
紛綴舊俗吳中猶未改習流人鬪魚龍技看綵雲一
派鎖清濠波如沸 流覽罷心猶悸憑弔處情難已
向風前醜酒何妨沈醉千古三閩同一哭江潭不少
人憔悴待為書重續賈長沙投湘水文津閣本有注
○綵雲港在閶門外見姑蘇志

惜秋華

秋怨

纔入新秋早麝燈慵開鶯簧倦炙孤影誰憐銀缸幾
度羞剔烏絲小字看看淡好似賺人魚墨愁寂水晶

簾捲見舊時月色 枉自尋消息恨餘香斷素偏有

無窮憶誰把病容扶起紛紜朱碧便將萬斛滄波移

來比似鮫珠滴終夕也只得兩番潮汐文津閣本有

注○烏賊魚吐汁如淡墨南人取以作書逾年但存

空紙

鳳凰臺上憶吹簫

和漱玉詞同阮亭作

寶鴨拋煙寒蜚泣露蘭橈催發湖頭正銀河清淺殘
月如鈎多少情踪欲說知無奈則索行休紗窗靜幾
株疎柳一片清秋 堪憂個人何處那衣香手粉彷彿
還留憶去文津閣本作舊年此夜花壓層樓靜對
金波似水桃笙上隱隱回眸傷心處依然花月添却
離愁

閏七夕詠牛女

曉露招涼秋梧益葉雙星低映清宵想天潢再駕綺
節重邀翠鵲仙翎未滿又河邊催喚填橋迎車罷虹
川波委月幙香飄 迢迢靈辰相望早一年兩度邂
逅雲霄笑孤明寶婺獨處珠匏休問故人機素怕龍
梭一月長拋願從此金章玉節只閏今宵文津閣本
作朝○婺女星在織女南匏瓜星在河鼓東離珠北

俱見天官書

水調歌頭

次韻答家兄仲謀

去年分手處蕭蕭寺古鐘樓縹緲霜天孤鴈驚破一行
秋二十四橋煙月一百五日風雨憔悴少年遊故鄉
渺無際目斷不勝愁 吳天角楚江尾越山頭不如
從此歸去揮手弄漁鈎縱有長安同學誰問行吟澤
畔五月有披裘湖山春未老去去莫淹文津閣本作
遲留

滿庭芳

晚景和少游韻

飲水虹明蒸山霞爛亂帆爭渡津門離人向夕無緒
對芳樽幾上高文津閣本作層樓極目疎林外落照
繽紛空凝望天邊白苧煙煙字從文津閣本補雨鎖
空村 羈魂飛飛字從文津閣本補欲去清江千里
南北中分悵瑤琴徒在錦瑟虛文津閣本作空存腸
斷蕭蕭娘一紙羅巾賸萬點檀痕憑傳語玉兒憔悴終
不負東昏文津閣本有注○構李有白苧村烟雨樓
是吾鄉也

倦尋芳

感舊

追思往日日月皎燈寒梅魂清凍客散金堂花漏一聲
頻送絳雪沾衣香夢熟綠雲堆枕春秋愁重迴身處似
珠鮮玉脆盈盈入捧更消受吳綾弄墨越篔簹迎涼
時時相共自去江干信斷魚牋誰貢聞洗鉛芳新學
道禹餘琳札都成誦待重尋早早字從文津閣本補
招取上清鸞鳳文津閣本有注○三清一名禹餘

八聲甘州

秋怨和柳七韻

點清霜一夜渡河來木葉竦高秋最傷心時候西風
旅夢殘月江樓何事南來北往行役不知休回首當
年事颿散雲流可惜舞茵歌管任蛛絲馬跡狼藉
誰收便吳姬楚豔值得幾回留憶分襟木蘭花下悵
佳期怯上此花舟料伊也慼慼終日長爲儂愁

珍珠簾

密約

湘紋幾摺闌干疊十二碧城宮闕一縷紫猊煙片影
紅窗月小語相期全不覺怕姓字飛瓊輕洩周折待
粘雲染雨臨行還怯猛把心兒拚却今宵休孤負
良辰佳節蘭液冷香犀草露沾金蝶無賴杜鵑枝上

鳥向窗外聲聲啼血饒舌纔勸得人歸又催離別杜鵑初鳴時聞之主使人離別見西陽雜俎

三姝媚

旅夢

花宮清磬杳聽城頭一派角聲悲繞晚來情味只秋窗無火暗螢相照解帶將眠剛月色臃臃來到千里江關十年心事相思多少恍在舊家庭館見朱幌微垂綠窗初曉驚伊消瘦把別時蹤跡向儂都告旅泊頻年和夢也分明知道莫是相逢無幾依然去了

高陽臺

爲阮亭題余氏女子繡高唐神女圖

帝女歸來一天秋色楚峯十二蒼蒼聽說當年曾經薦枕先王細腰宮裏顏如玉更相尋霧縠霓裳問此時翠蓋旌旂文津閣本作鸞旌誰見悠揚巫山枉斷人腸縱陽臺遺跡未盡虛茫回首宸游沈淪幽佩堪傷一自侍臣書好夢千載下雲雨生香又何人剪兩雨字從文津閣本補裁雲幻出高唐沈淪幽佩侍臣書夢俱見杜詩

念奴嬌

和漱玉詞同阮亭作

深閨岑寂見朱扉曲曲銅龍雙閉坐覺春陰寒尚峭
不斷氤氳鑪氣遠岫低雲濃花著雨可見伊風味紅
箋小疊此情何處相寄朝暮鎮是無聊湘娥淚溼
空向花枝倚病裏腰肢慵似柳盡日三眠三起芍藥
欄前清和時候約訴纏綿意眼看春盡那人應是歸
未杜詩湘娥倚暮花上林人柳三眠三起見西京雜
記

長歌

雨窗獨坐百歲茫茫因信筆成百字令自歌
而自和之白太傅謂長歌之哀遇于慟哭此
語誠然以今觀之不誠然耶

長歌當哭把琅玕擊折珊瑚敲碎悔不當初多弄戟
領取中郎都尉鵲印纍纍蟬冠岌岌忍見人皆醉雕
龍何益算功名偶然遂等閒付與兒曹三旌已矣
返我屠羊肆吳下秋風歸去好飽啖菰羹佳味文津
閣本作鱸鱸病藉神君巧資天女無計祛窮鬼夜珠
休探怕驪龍未成睡織女一名天女見天官書注

又疊前韻

知音寥落任壁間絃絕市中琴碎萬卷詩書何所用
不抵一錢程尉入手杯濃抬頭月豔人好千場醉長

卿倦矣問宦遊幾時遂
此去四壁猶存當爐滌器
賣酒臨叩肆春雨綠蓑三尺艇釣取霜鱗雪鱸假貸
為生送人作郡怕殺擲揄鬼不如秉燭夜深長伴花
睡

三疊前韻

壯心難抑將亂絲斬斷連環搥碎七貴五侯今已矣
說甚粉郎香尉公醒而狂臣飢欲死待覓墦間醉平
原何在自媒終笑毛遂
曉來網得霜螯橫行倔強
吾力猶能肆脆白肥黃堪一飽絕勝吳王殘鱸露氣
高浮羽聲慷慨痛飲歌山鬼元龍臥榻肯容餘子鼯
睡

四疊前韻

丈夫立意寧蘭摧蕙折壁沈珠碎寶劍摩挲如好女
請試玉門軍尉虎帳論兵龍泉知己卮酒安辭醉沙
場百戰看奇勳一朝遂
笑談指顧封侯宛珠隨寶
入室紛成肆行馬歌鐘新賜第狼藉金壘玉鱸貴客
稱觴美人當夕室瞰高明鬼拂衣歸隱有在五夷安
睡文津閣本作學希夷五安睡

解語花

題美人卷子

湘裾漏月楚練堆雲別是天然韻石牀小几涼如水
一束桃枝清潤玉冠輕卸乍睡覺心情未穩香枕上
隱隱屏山冷浸芙蓉印記得那時廝認在桂堂東
側蘭臺西近紫薇花下相逢處約略眼重眉褪三秋
過也空留下生綃粉本畫圖中驀自尋思可有和伊
分

玲瓏四犯

却夢調元景病次家兄仲謀韻

美睡初成便有箇人兒年華猶少暱枕低幃不怕細
君知道可是陽臺行雨把宋玉魂兒勾到拚長作玉
清仙隸夜夜掃除庭廟千金豔質分明是轉腰身
向郎迴抱漸春汗融融綺褥逗破風流竅幾番着意
溫存生不管儂心不要須央他無賴汝南雞未曙將
人喚覺後段第七句多一字

再疊前韻

寄語東君莫寵柳驕花誘他年少漏泄春光多在這
華胥道何事孤眠帳底夜夜有彩雲飛到似神君爲
儂却病引入上林祠廟睡鄉卽是溫柔境有紫玉
如煙相抱剛則是靈犀一點通却心中竅害得文園
憔悴那夢兒偏生還要願生生不作有情癡長得安

然睡覺文津閣本有注○後段第七句多一字

招夢用前韻

好夢誰同有皓齒丹唇人兒絕少媚寢思香遠勝却
邯鄲道一聲砌竹驚迴正月影空牀初到擬欲賦夜
來神遇薦枕在朝雲廟纏綿一似春蠶死向雪繭
窠中縈抱乍可是雨輕雲薄未透相思竅囑咐惜春
御史領風月讓伊清要把鶯聲燕語安排莫使幽懽
驚覺

再疊前韻

楔節纔過冷落了風流蘭亭逸少單枕無聊心事向
誰行道打疊鴛鴦繡被好招取夢兒來到問何如九
疑黛色帝子下黃陵廟願將身化為蝴蝶粉痕死
向花心抱浪說遊仙留玉枕枕內藏機竅望斷美人
何處慚愧殺殺字從文津閣本補靈修練要看看落花
飛絮帶人春睡如眠似覺練要之要去聲今人作平
聲讀者非也

憶舊游

病酒

病醒扶不起似笙篴小令促行觴鄉愁供伏枕暮鐘
曉角忒煞淒涼當時幾經被酒錦瑟美人傍記縹色

杯輕密雲香重親手擎將
年來飄泊去但醉月迷
花是處堪傷縱文園渴甚甚
金仙掌露玉女壺漿欲
問盈盈翠袖風雨暗巫陽
誰念我天涯蕭條寂寞年
少場姚巖傑酒令憑闌一吐
已覺空喉密雲龍茶名

花犯

梅花和清真韻

傍疎籬橫斜幾樹饒林下
風味嫣然一笑早掩却三
千宮中佳麗盈盈仙袂誰
同倚自憐翻自喜正雪滿
山中無路素娥寒擁被
幾日小窗試東風爲思君
長是粉憔脂悴春愁凝時
時有暗香飄墜可惜一枝
零落也空自賦招魂芳徑
裏記當日夢中相遇月明
天似水凝音伎

宴清都

螢火

四壁秋聲靜疎簾外數點
飛來破暝輕沾葉露暗栖
花蕊亂翻銀井有時團扇
驚迴又巧坐人衣相映空
自抱熠燿國朝詞綜作半
晌微光願增照金樞景

幾番去傍深林來穿小幔
高低不定隨風欲墮帶雨
猶明流輝耿耿隋家宮苑
何在腐草于今無片影向
山堂且伴幽人琴書清冷
文津閣本有注○金樞月

入處李義山隋苑詩於今腐草無螢火杜詩忽驚屋裏琴書冷

水龍吟

吳寧周席上作

畫堂春靜鶯花麗珍重為開嘉宴金盤薦處楚酪瓊羞吳羹雪片曲按檀槽詞翻玉茗歌喉清唱文津閣本作轉歎經年作客銷魂此際不覺奈何頻喚

簾幙高張庭院又火樹銀花開遍促坐藏鈎分曹戲彩

杯行無算小器易盈一時沈頓玉山將斷記醉中上

馬明河欲墮參橫初轉

拜星月慢

本意

蓉炷初煎花冠重整小院四垂空碧徙倚風前聽銅龍清滴凝眸處試問渡河人去竊藥人歸何日霄路迢遙抱山光文津閣本作幽輝終夕正中庭夜永無行跡更難禁私禱偏羞澁早是聲喘頻呼吹麝蘭氣息墜金蟲手自梳蟬翼恁時光莫道窺顏色只影兒裊裊亭亭儘銷魂也得

瑞鶴仙

題袁氏園亭

攜來一片石直壓倒江上三山無色名園堪永日有
翠幹蕭森明珎鮮碧桐陰竹實看聯翩鷓鴣雛接翼問
何人領袖煙霞身是東吳倦客 猶憶梁鴻廡下梅
福門前舊曾相識重逢此地同訪瓊花消息待粗酬
婚嫁遠尋禽向五岳安排遊屐記他年行藥歸來龍
鱗千尺

瑤花

癸卯七夕

夜波涼薦曉杼聲停正鵲駢催駕經年相見料此時
一刻千金無價明朝何處向雲雨峯頭銷假怕有人
天上含愁碧海青霄今夜 西風又報新秋見珠露
低垂紅蘭初謝舊歡如夢多少事記取金釵羅帕離
情別思任填滿銀河難瀉倘佳期果似靈辰拚受星
孤月寡

綺羅香

春盡日有寄

翠遠如空黛濃欲滴簾捲青山無數舊事難尋春色
總歸塵土撲蝶會如夢光陰研花箋相思圖譜怪東
風不爲吹愁凝眸又見碧雲暮 年來淪落已慣任
一身長是飄零吳楚紅淚箋題文津閣本作緘成恨

字分明寄與想南樓柳絮飛時是玉人夜來凭處應
望斷遠水歸帆濛濛江上雨

喜遷鶯

偶憶

佳人難得更名士風流傾城顏色候日衣輕辟寒鈿
細打疊受他憐惜爲雨爲雲時候非霧非花蹤跡分
明似似琪樹交枝瑤禽聯翼 當日定情處纏綿珍
重此意千金值世世生生朝朝暮暮長似爲歡今夕
回首人間天上往事依稀堪憶前身是是蓬山伴侶
玉清儔匹文津閣本有注○候日蟲名集宮人衣輒
蒙愛幸魏宮人相語曰不服辟寒鈿那得帝王憐
春從天上來

孫介夫索句題照賦贈此篇

年少孫郎算才地風流合讓伊行思清零雨筆挾秋
霜佳句題徧吳閭似方平當日擘麒麟高宴仙鄉奏
新詞有停雲芝蓋隔水松簧 更饒大喬國色儼麻
姑玉女矚盼清揚鈿翠輕飛裙波小皺人前微曳霓
裳捧流霞一酌擎來味盡作沙糖儘疎狂任紅塵人
世彈指滄桑

歸朝歡

秋夜

畫閣重簾深不捲銅史黃昏催緩箭那堪離別在蘭
時梧桐落盡迴心院夜長君不見漏痕猶比檀痕淺
麝煤殘銀箏寶瑟信手拈來倦側側寒生霜瓦濺
眼底屏山千里遠南來孤雁已先紅一聲天際堪腸
斷飄零秋萬點風條雨葉如相餞最無聊坐愁不寐
絳蠟和花剪陸倕漏刻銘銅史司刻金徒抱箭

花心動

早秋客思

幾陣西風涼氣滿林下乍收殘暑極目江天蹴雪驚
沙千里迢迢吳楚殷勤謝茱萸灣水爲儂好向秦溪
去還恐怕關山重疊雙魚無據冉冉年光欲暮正
思歸未得含情誰語待折疏花寄取一枝又遠隔層
城路倚樓人聽斷腸聲驚秋客到傷心處江南夢一
曲蕭蕭暮雨

二郎神

憶富春舊遊

富春七里水拖藍游鱗堪數看來往雲帆淺深沙石
渺渺青溪漁浦南北峯頭登臨遠望不盡斜陽疎樹
悵星子臺空桐君珮冷舊游何處羈旅又經幾度

他鄉寒暑自芍藥花殘櫻桃夢醒腸斷錦鞋一賦謝
謝字從文津閣本補客滄洲潘郎綠鬢心跡猶然朝
暮算只有山中明月江上清風如故前段第二句多
一字○文津閣本再有注○往在富春作錦鞋賦頗
為彼中傳誦新安江一名青谿漁浦去富春渚三十
里桐君山在桐廬境

一萼紅

詠睡鞋

試細鈎正薰籠初煖百和惹氤氳同夢相偎合歡不
解天然無跡無塵巧占盡春宵樂事問伊家何處最
撩人綃帳低垂蘭燈斜照兜上此二跟目好是輕盈嬌
小只一彎香浸半捻紅分新月勾雲纖荷舒夜阿誰
消受清芬莫便道銷魂此際向玉樓合處更銷魂底
事東陽憔悴化却腰身文津閣本有注○向字襯漢
宮有夜舒荷

一寸金

蓮花

水面新妝小著紅綃弄煙霧似豔分霞暈倚窗文津
閣本作欄微笑嬌含檀粉向人低語獨立愁無侶覓
舊日張郎何處乍臨風一種輕輕盈玉奴初學凌波步

此夜瑤臺月明香細翠袖沾清露問玲瓏秋藕幾
時絲盡鮮妍蓮子爲誰心苦正隔江欲采盼佳期美
人遲暮訴相思有恨無情夢斷西州路文津閣本有
注○西洲用古樂府語陸龜蒙蓮花詩無情有恨何
人見

女冠子

詠美人坐禪

香寮靜也片縷沈檀煙透五雲幢下五絲禱上小結
跏趺玉弓清瘦見展春衫袖袖底分明紅露鞋尖一
綰顛巍巍湘鈎雙疊幾幅湘裙壓皺似承密印靈
山後問天然姝麗可是人間有妙容誰偶恰意蕊心
燈孤明明時候巾瓶淨無垢正好衣紋不動花陰當晝
倩罔明彈指聲中喚取那人知否文津閣本有注○
罔明用內典女子出定事

丹鳳吟

南窗睡覺月色滿牀

可是行雲有意故把纖阿一輪推落飛入南窗次第
穿簾度幙霓裳弄影金波堪挹綃帳生寒冰壺初濯
遍處笙竽俱靜香霧空濛冷浸半牀絃索正值夢
迴酒醒旅中單枕眠初覺便欲乘風去向瓊樓玉宇

細聽仙樂嫦娥應是笑人長恁寂寞十年前事心兒
上憶分明如昨此時此夜怎許人睡著文津閣本有
注○纖阿月御

沁園春

酒後作歌與擎庵

何必規摹五柳之高孤竹之清念久與周旋我甘文
津閣本作寧作我任教禮法卿自從卿儻乘陪游辛
杯侍讌僕病須知非所能問何者是魚文驥子綸組
彫纓 狂來白眼休驚算若箇堪當一瞬青但紫篝
玉炷香消仙蠹朱絲文津閣本作繩金錯筆掃讒蠅
清酒三杯黃梁半枕不換他年身後名誰驚覺有墜
梧片葉索賦秋聲

又

放眼乾坤曠觀宇宙與爾相期憶登第早年曾同座
主為農今日俱老明時遂我初衣屈卿此憤鄉里安
能向小兒從茲去便濯纓碧漢晞髮清池 向文津
閣本作尚平婚嫁休遲早覓取三山紺雪姿待尋真
嵩華采芝千頃浮家若雲載酒千甌人盡憂生我當
樂死笑拍洪厓知未知回頭處看眩人世界變化參
差文津閣本有注○眩音幻見張騫傳

又

自賦歸來為問先生何計忘貧想行吟竹裏烹殘蟹
眼著書林下倚遍龍鱗長著荷裳文津閣本作衣閒
拖芒屨野老柴門正比隣難孤負是賞心樂事月夕
花晨陶然自得天真渾忘却春明舊日身有石牀
小几新涼可味文津閣本作襲玉池秋水芳草堪紉
時對西風徐揮方麪何物元規塵汚人因傳語倘扁
舟來訪許問迷津文津閣本有注○方麪竹扇也

又

對影銜盃影且前來吾方思之算乘時只合兔園傳
冊成名何用狐穴搜詩世上舉肥宮中磨蝎大樂難
將造物持文津閣本作醫安予拙且聽竽南郭植杖
東籬小園清映漣漪有密竹疎花事事宜更多情
綠綺琴心解渴撩人翠嫵黛色忘飢飽看文君風吹
鬢影此樂誠然不可支誰相問道茂陵閒散謝客多
時文津閣本有注○喬子曠作詩喜用僻字號狐穴
詩人兔園冊見五代史

偶興和阮亭

歸去來兮或采金芝或酌清流待乘鳳天邊長風作
御釣鰲海上明月為鈎冠蓋焦螟河山野馬蟻垤縱

橫十二州儘遊戲是擊球毬建節辭統封侯
誰能齷齪相酬任沉者還沉浮者浮笑空洞容卿是中無物
溫柔老我此外何求一紙彈文三章約法不禁同盟
鷺與鷗相親近且春花秋月夏葛冬裘

又

我所思兮白石清泉複嶂層岡看象外煙霞能令公
喜眼前人物誰得卿狂中聖頻呼索郎郎屢顧廣大人
間出世方君莫問有增城閩阪漢武秦皇醉來潑
墨淋浪邀星渚支機作報章歎鐵馬金戈幾番逐鹿
博遊挾策一樣亡羊經卷藥爐舞衫歌扇天女維摩
總道場相期在便海山兜率誰是吾鄉文津閣本有
注○海山用白傅故事因阮亭有麗農方丈早認渠
鄉句也

題贈吳中友人小影

其狀若何珠玉爲容冰雪爲腸問對朕者誰心知漚
露如卿有幾手淬風霜讀損羲文搜奇禹簡探得靈
威字數行低回處嘆無情山水閱盡興亡悲歌慷
慨蒼涼正散髮行吟白日長儘家徒四壁貧如司馬
目空一世狂甚袁羊奇服靈均高冠子夏雜佩續紛
蒞若香身名事付杯中醺醪枕畔滄浪

和韻答金嶠庵

往古今來如許英雄鐘鼎旂常盡飄風冷雨餘聲銷
滅寒煙蔓草陳迹蒼茫南顧昆明東瞻閩越二十年
來一戰場到今日喜豐年多黍兵氣銷光 溪山老
我何傷且買醉時探肘後囊須我歌若舞烏烏擊缶
倡予和汝款款飛觴僕射不如尚書不顧羯鼓頻催
不記行纔傾倒早一輪紅日湧上扶桑

賀新郎

酌酒與孫默用稼軒韻

笑謂君休矣算人生重茵列鼎爲時能幾趁取新涼
今夜好一醉破除萬事儘酒後沾沾自喜賦筆凌雲
誰見賞只子虛烏有公無是更誰薦雄文似 休官
且臥煙霞裏又何須虎頭食肉馬肝知味速築糟邱
吾將老得喪由來一理縱狂歌東方月起駒隙光陰
河射角歎羊腸仕路車生耳且引盡黃山子

白苧

春暮

雨乍晴又洗出滿庭葱蒨金鈴風急驚起啄花乳燕
裊柔條斷送了落紅如霰遲日正暄妍颺游絲釵頭
金鬢撲蝶歸來不覺玉弓酸軟早安排送春小會櫻

桃宴 深院密坐相逢低聲問取可似多情荀倩却
無語回眸眼波一綫月明人靜待尋歡良夜闌干敲
遍金斗放聲頻多應細熨裙花茜五絲幢下明日酬
私願

畫屏秋色

蕪城秋感

野炤蕪城夕送遠日雲水蒼茫不極瓊蕊音遙青樓
夢杳玉鈎人寂何處認隋宮見衰草寒煙堆積攢一
片傷心碧聽柳外寒蟬風高響滯如訴興亡舊恨聲
聲無力 今昔可勝悽惻莫再問錦帆消息竹西歌
吹淮南笙鶴盡成陳迹轉眼又西風辭巢越燕還如
客落葉千重蕭緘萬事總銷沈惟有清江皓月曾照
昔人顏色 淮南笙鶴係暗用高駢事

小諾皋

維揚旅舍聞蟬

碧蘚庭除綠陰城郭雨過空蒼蒼如洗正疎林兩兩鳴
蟬高低聲遞何待移宮換羽蟹竹天然相比夏餘音
還共南薰搖曳客去茶清棋殘香細故攪人北窗好
夢一覺揚州驚起欹枕處偏清厲 託體高枝翳形
密葉直是如羹如沸總不管西候羈情南冠冠客意似

水流光暗逝漸入深秋天氣轉眼向孤雁寒蛩更替
玄鬢凋殘白頭惟悴試臨風獨凭欄干側耳哀吟此
際容易使秋心碎

稍遍

春情和東坡韻

拾翠年年時踏青節候芳草紛紛鋪地弄陰晴景色遍園
林屈指到清明天氣小池邊紫燕欲尋新壘紅襟對
掠桃花水正山杏籠煙海棠經雨穠豔天然無比映
高樓何處綠楊枝又搓就文津閣本作得鵝黃千尺
絲總釀就迷花病酒懷人幾般滋味素手好同攜
鬱金屏外朱欄裏欲訴綢繆鸚鵡生憎忒伶俐看弱
不勝衣柔如無骨仙裾怕逐東風起墨染烏闌袖沾
紅唾脈脈春愁無際漸晝燭燒殘繁英飛墜似綺叢
蛺蝶向花低忙不了竊香私意任取粉銷春老一夢
銷身世蓬萊水淺滄海塵揚畢竟此情難已九天白
文津閣本作鸞鶴倘相招爲報人生行樂耳

鶯啼序

夏景

半枕新涼破好夢一聲白鳥遠鐘歇樹文津閣本作
曙色霏微殘鶯啼上林杪簾幙重重次第捲雲屏曲

曲瀟湘曉看露濃香細茉莉又開多少
淺暈纔施薄鉛不御衫子裁織縞更青青
非霧非煙眉山雨點慵掃倚紗窗梧竹
澄鮮弄薰風悠揚未了正深閨永晝如
年問津誰到南園此日滿地綠陰虧蔽
有芳蕖曲沼乍微雨收痕翠蓋孤擎紅衣
雙笑冰井敲殘紋楸彈罷倦聽高柳玄蟬
噪覺小院無人愈清悄簟紋似水琅玕幾
度欹眠釵鳳墜盤雲攪歸來庭戶嬌困難
禁繡帶羅裙裊最是溫泉新浴玉軟花慵
侍兒扶起風姿偏好晚涼初薦輕容重換
碧欄干外梳頭處恰團圓好月來相照坐
看夜色天堦戲撲流螢輕羅扇小歸來一
節從文津閣本補

十五家詞卷二十六

欽定四庫全書

十五家詞卷二十七

休寧孫默編

王士禎衍波詞上

序文從文津閣本補

蓋聞之弇州曰花間者世說之靡也草堂者文選之變也而余以爲不然花間句雕字琢詞或不諧句無不緻是昌谷之靡也草堂音協調流句或未研體無不秀是西崑之變也至所云字必色飛語必魂絕則美出自然誠非緣借矣常試論前代諸家文成之于元獻猶蘭亭之似梓澤也新都之于廬陵猶宏治之似伯玉也瑯琊之于眉山猶小令之似大令也公謹之于稼軒猶宣武之似司空也逮黃門舍人之于屯田待制直如曹劉之于蘇李遂覺後來益工然未有如吾阮亭者也阮亭年少才豐無所不擅千古文義書詞直欲一時將去卽如詩餘一事於阮亭直雕蟲耳而以余讀之篝燈蕭寺中夜琅琅覺十年中離別之苦哀樂之多無不怦然欲動而豔思綺語令人手推口維而不能解則阮亭之移我情與我情之合于阮亭誠有不自知者又何色飛魂絕之足擬也哉如

余舌本作強筆底如椎偶賦短言無關佳事卽至同
里諸子好工小調如文友之儇豔其年之矯麗雲孫
之雅逸初子之清揚無不盡東南之瑰寶以視阮亭
並驅中原猶恐不免爲黃沛耳

小令

南鄉子 第一體

送別

送客江船孤帆點點沒天邊却上高樓臨極浦日暮
一綫春流如碧玉叶

欲去難留蜻蛉一葉木蘭舟細語離觴人竟去何處
新婦磯頭煙水綠叶

望江南

秦郵有贈

江南好風日近秦郵銀甲暫停朱閣午玉笙已文津
閣本作纔度碧雲秋扶醉且淹留

江南好春暮雨廉纖魚子天晴初出水鼠姑風細不
鉤簾底事惱江淹

江南好最好是盂湖何處情人名碧玉誰家亭子號
真珠聊爲結相於

江南好畫舫聽吳歌萬樹垂楊青似黛一灣春水碧

于羅懊惱是橫波
江南好又過落花朝
玉茗歌殘情歷歷
金堂人散水迢迢
魂去不須招

柳枝

本意

鴛鴦湖上水漪漪
黃入東風柳漸垂
湖裏鴛鴦湖畔柳
送儂歸處足儂思
二月江頭見柳條
千絲萬縷映春潮
銷魂橋上銷魂樹
不到飛花魂亦銷

趙北口柳枝詞

湖光如鏡復如酥
柳色迢迢入大沽
亭午銀魚風漸小
一帆春水到蠡吾
文津閣本有注○銀魚風名直沽河畔村落悉號四沽

樓船彷彿小江南
纜剪溪藤蜀罽
罽字從文津閣本補帆飛花相送向何處柳外官橋黃布帘

湖外垂楊湖上菱
夜來春水欲齊梢
波浮碧藻金魚尾
風墮紅翎玉剪巢

東粵竹枝詞

珠娘十五嫁珠兒
住近珠江江水湄
江水有情還照妾
江花無計可留伊
文津閣本有注○南俗以珠爲

貴生女為珠娘生男為珠兒韋莊詞弄珠江上草萋

萋沉香浦上花如雪玉鏡臺邊人似霞醉下蘭舟馱細
馬不知今夜宿誰家文津閣本有注○沉香浦玉鏡
臺皆地名

零丁洋裏布帆行別日春潮帶雪生昨上高樓望晴
色素馨花滿五羊城

南鄉子文津閣本有第三體

夏詞

菱刺綠藕花香小姑相喚出橫塘隔浦少年私致語
忘歸去日暮水寒飛屬玉叶

如夢令

春晝

簾外游絲片片晝靜碧虛常卷翠雀下花陰啄破春
陰一線誰見誰見清淚朝朝洗面碧虛窗也李後主
與故宮人書此中日夕只以眼淚洗面

和漱玉詞

送別西樓將暮望斷王孫歸路昨夜夢郎歸還是舊
時別處前渡前渡記得柳絲春鷺
簾額落花風驟春思慵如中酒久待不歸來解識相

思如舊堪否堪否坐待寶鑪香瘦

題葉欣畫漢宮秋晚

道是江潭小苑又道披香宮殿蓮葉悴金塘何處羊
車鳳輦秋晚秋晚有箇人悲紈扇文津閣本有注○
李賀有賦江潭苑詩

點絳脣

春詞和漱玉韻

水滿春塘柳綿又蘸黃金縷燕兒來去陣陣梨花雨
情似黃絲歷亂難成緒凝眸處白蘋青草不見見西
洲路古詩折梅下西洲

懷程邨遊西湖

淼淼西陵聞君南去尋蘇小六橋春曉處處遊絲繞
回首臨安往事傷懷抱空春草吳歛清妙且把金
樽倒程邨云船頭自唱黃金縷蘇小重逢司馬郎

浣溪沙

春閨

柳暖花寒雨似酥流鶯和夢覺來無東風料峭捲蝦
鬚欲覓瀟湘屏上路楚山如黛少雙魚口脂慵點
鏡中朱

小院蘼蕪欲作叢秋千池畔畫堂東日斜鶯轉謝娘

慵情思說人何處去碧桐陰裏下簾櫳玉釵微墮
髻鬟鬆文津閣本有注。○說音妮去聲見顧夔詞

寶馬流蘇上洛津玉人相見宋家隣重重屈戌掩殘
春檀暈乍消星的淺眉痕初淡月稜新簾衣如縠

映橫陳

和張泌韻

記得相逢亞字城留仙裙底步蓮輕吳家小女字盈
盈眉語似通還匿笑目成難去且徐行個儂無賴
可憐生

雨後蟲絲罨碧紗朝來鵲語鬪簷牙日痕紅曙一欄
花殘夢未遙猶眷戀篆烟初裊半天斜消魂應憶

泰娘家天音歪

和漱玉詞

花影鉤簾幕歷歷垂紅鞋人夢到天涯晚風隔院響添
梯畫閣久閒金屈戌平蕪何處錦障泥煩他謝豹

客邊啼文津閣本有注。○添梯蠶車上竹所為

蝨畔濠犀間玉梳新粧才罷曉寒初曲欄花日影扶

疎金鴨暖香消桂蠹夜蟬輕翅上桃蘇問郎曾解

畫眉無文津閣本有注。○豪犀理鬢器夜飛蟬所以

飾裝桃蘇髻名

漸次紅潮趁靨開木瓜香粉印桃腮爲郎瞥見被郎猜
不逐晨風飄陌路願隨明月入君懷半床驪夢待郎來
文津閣本有注○古詩良人爲漬木瓜粉晨風句用孫子荆詩明月句用曹子建詩

夜行卽事

灼灼紅蘭映柁樓娟娟珠露散汀洲湘靈鼓瑟夜深遊
萬點水螢光不定一灘涼月皓爭流白銀灣上數鴻秋

題余氏女子繡浣紗圖

何處青山是若耶苧蘿村畔認西家滿溪花瓣浣春紗
未入吳宮猶淡漠一辭烏啄便天斜針神十五鬢堆鴉

紅橋同籜菴茶村伯璣其年秋岩賦

北郭清溪一帶流紅橋風物眼中秋綠楊城郭是揚州
西堽雷塘何處是香魂零落使人愁澹烟芳草舊迷樓

白鳥朱荷引畫橈垂楊影裏見紅橋欲尋往事已魂銷
遙指平山山外路飛鴻無數水迢迢新愁分付廣陵潮

綠樹橫塘第幾家曲欄杆外卓金車渠儂獨浣越溪

紗浦口雨來虹斷續橋邊人醉月橫斜棹歌聲裏
采菱花

菩薩蠻

和飛卿

夢殘鬢棗垂香枕芙蓉髻墜蒲桃錦翠色碧如烟小
星將曙天起來雙黛淺綉閣拋金剪惟悴鼠姑紅
玉階三月風文津閣本有注○鬢棗髮撥名晉惠帝
宮人梳芙蓉髻

有贈

斷虹雙臉眉如黛清晨小立欄杆外映柱送橫波教
人無奈何漫言嘗見面似隔蓬山遠撩鬢道匆匆
春愁知為儂

詠青溪遺事畫冊同其年程邨羨門

乍遇

東風人柳三眠起秋千小院重門裏對對浴紅衣鴛
鴦塘上飛箇人花底見驚喜迴團扇含笑指鴛鴦
花時日日雙

又 弈碁

曲欄干外紅蘭吐綠窗人靜聞鸚鵡兩兩賭圍碁沉
吟金釧遲郎誇中正手向姊偏多口解意小獨兒
惱人將負時

又私語

梧桐花落飛香雪捲簾一片玲瓏月人月兩嬋娟倚
闌凭玉肩小鬟春睡倦裙上苔花苦私語好誰聞
姮娥應羨人

又迷藏

玉蘭花發清明近花間小蝶黏香鬢邀伴捉迷藏露
微花氣涼花深防暗邏潛向花陰躲蟬翼惹花枝
背人扶鬢絲

又彈琴

玲瓏嵌石紅蕉葉蕉陰寶鴨香初熟獨整素琴彈琴
清玉手寒聲聲珠作串彈出湘君怨今夜夢瀟湘
琴心秋水長

又讀書

簾衣半掩湘妃竹洞房今夜攤書讀懊惱畫屏人銅
壺清漏頻潛藏郎背面作劇桃枝扇鸚鵡喚回頭
低鬟笑不休

又潛窺

雙雙玉兔衣如雪中庭桂樹有明月也解逐雄雌倚
簾含笑窺幽蹤郎見慣潛向銀屏看嬌面暈紅潮
佯羞妥翠翹

又 祕戲 ○ 二字從文 津閣本補

蟬紗半幅圍紅玉龜紋枕畔雙鬟綠銀蒜鎮垂垂含
羞忍笑時 屏山金屈戌女伴偷相覷明日日畫堂中
須防面發紅 文津閣本有注 ○ 古詩當時近前面發
紅

又 迴文

鏡臺移日朝紅映映紅朝日移臺鏡人玉照穠春春
穠照玉人 幕垂寒略略叶料略略寒垂幕叶冒花
曉襯紗窗紗窗襯曉花

卜算子

留友人

天氣近清明汝定成行否雨雨風風不暫停作意催
花柳 柳色染征衣花氣薰殘酒縱使無情也斷腸
爭似同攜手

記夢

風水望西陵烟樹迷南浦千里相思又暮春夢裏江
南綠叶慮 記下水晶簾簾外紅蕉吐殘篆初縈斗
帳垂好是儂歸處

醜奴兒令

隋堤

隋皇昔幸文津閣本作下東都日錦纜迢遙鳳船龍
艘剪綵宮中暮復朝琵琶忽唱安公子紅炬烟消
故國寒潮一曲清江柳萬條東風又吹

減字木蘭花

爲長沙女子王素音作用稼軒過長沙道中
見婦人題字用其意作韻

離愁滿眼日落長沙秋色遠湘竹湘花腸斷南雲是
妾家掩啼空驛魂化杜鵑無氣力鄉思難裁楚女
攜空楚雁來文津閣本有注○原詩可憐魂魄無歸
處應向枝頭化杜鵑花間詞楚女不歸枕小河春水

楊花步弇州韻

紗窗夢起極目玉關人萬里斜綰千條自古銷魂是
灞橋春陰不盡除却殘鶯誰借問陌上樓前消得
香閨幾日憐文津閣本有注○唐詩楊柳裊裊隨水
急西樓美人春夢中翠簾斜捲千條入

楊妃

木蘭殿裏迴雪流風人莫比萬里橋頭水綠山青不
盡愁連昌春竹空映落花紅簌簌莫問當年錦襪
猶能直許錢

梅妃從文津閣本移前

天然姿媚比向梅花應不異一斛珍珠得似鮫人淚
點無文園老去恨煞無人能解賦我見應憐不索
長門買賦錢明皇以斛珠賜妃妃辭不受常以千金
壽高力士求人擬相如長門賦迴上意報曰無人解
賦

秦淮歸棹

隔溪桃葉照影秋波雙畫檝舊日琅邪紅板橋南第
幾家趁潮歸去一縷柔情無着處但有垂楊葉葉
枝枝解斷腸

好事近

二月竹亭雪後觀梅憶鄧尉舊遊和蔣子雲
韻

社日過花朝寒峭瓊瑤還落狼籍梅花千片灑何郎
東閣惜花擁鼻正無慘往事渾如昨記得蟠螭花
下有扁舟孤泊

柳含烟 第一體

本意

銷魂樹曲江邊移自永豐坊裏東風吹雪又吹綿豔
陽天何處行人歌水調極目黏天芳草錦帆曾此
向天涯落誰家

憶秦娥

憶秦淮

秦淮水紅樓一帶波如綺波如綺琉璃窗下水晶簾
底梅花點額芙蓉髻粧成照影春波裏春波裏一
方明鏡朝朝孤倚

更漏子

與秦淮友人夜話舊院遺事

燕鶯時風景地往日清溪佳麗珠戶裏畫屏中花枝
相映紅燭花殘更漏咽舊事不堪重說波瀾瀾雨
瀟瀟西風長板橋

阮郎歸

清明

平山堂外又清明春蕪初蘩青梨花燕子滿江城人
家聞賣錫邀伴去踏莎行竹西歌吹聲酒旗一片
颺前汀青絲何處停

玉聯環第一體

個儂

枇杷門巷櫻桃樹個儂曾遇畫衣縹緲水沉薰不辨
香來何處忽似驚鴻翔去凌波微步洛川伊水向
東流八斗才情空賦

畫堂春

詠折枝桃花

十分春信到梨花
絲絲弱柳栖鴉
謝娘小閣映窗紗
一片紅霞
開處流鶯初喚
雨中薄霧猶遮
水晶枕畔一枝斜
春在誰家

海棠春

閨詞同程邨羨門曉粧

鸚哥初喚聞方響
幽夢起日浮交網
花影罨流蘇
一片紅潮漾
新梳小髻翻荷樣
初纏額邀郎相賞
慵畫小山眉黛
豪留張敞
文津閣本有注
○翻荷髻隋宮粧也
楊慎有美人纏額圖詩

又 午睡

綠楊庭院東風足
透梵宇迴廊千曲
蕃騎簇金屏
簾拂寒蛩禱
雲鬟掩映芙蓉肉
新睡起一痕紅
玉小膽怯空房
風動蕭蕭竹
文津閣本有注
○寒蛩禱黠風所織

又 晚浴

星光碎月搖花影
神麥響夢迴人醒
小婢鬻蘭湯
玉沁冰壺冷
沉香卷髮盤龍鏡
遲半晌鮫綃重整
不管綉簾前費盡
黃金餅
文津閣本有注
○華嚴經鬻

香長者善調香鬻煑也末句用漢成帝合德事

又夜坐

鴛鴦樓角黃昏雨聽斷續細腰香杵鴛枕冷冰蠶簷
外風鈴語 蕭郎今夜蘭台去偏無賴三通譙鼓紅
淚鮑羅衣消點難尋塵文津閣本有注○古詩北堂
細腰杵義山詩走馬蘭臺類轉蓬

武陵春

和漱玉詞文津閣本有注○末句照原本本多

一字

昨日相逢歌扇底偷贈玉搔頭畫閣香濃郎且休秋
水簟文流 送別殷勤楊柳岸花雪滿行舟雙槳凌
風蘭葉舟又捲起一江愁文津閣本有注○柳惲書
蘭葉舟載桃葉小姬以往

山花子

秋閨

斗帳初垂懶卸頭任他紫棧減秦篝簾外銀河天似
水數更籌 梧葉催蛩涼到枕花枝和月午當樓還
似殘春寒食夜一般愁文津閣本有注○紫棧香名

寄程岷崙京口

黃鶴山前黃鶴鳴杜鵑樓外杜鵑聲記得戴顓招隱

地共經行 北固雲煙春望遠南徐風雨暮潮生一
片澄江如練影接蕪城

眼兒媚

感舊

少年無賴好尋遊何處著閒愁羅敷陌上窈娘堤畔
到處淹留 豔情綺思消磨盡往事似塵漚楞伽堆
案離騷繫肘別樣風流

堂堂

相逢曾記在秦樓軟語倚筵篔最難忘處人稱窈窕
鄉是溫柔 別來光景堂堂去已事莫回頭不堪重
說韋郎非少阿杜經秋文津閣本有注○古游仙詩
韋郎年少心慵甚偷得紅綃五岳圖

朝中措

平山堂和歐公原韻

平山堂外又東風寒食柳濛濛欲訪歐公行處寒烟
暮靄連空 仙翁已遠髯公復去文筆誰工南望金
焦兩點江天依舊飛鴻文津閣本有注○歐公平山
詞江天渺渺沒孤鴻

桃源憶故人

金釵澗上

金釵澗上人如玉解唱春波新曲畫扇船紗十幅春
水平飄綠 三三五五鴛鴦浴觸忤閒愁春日戲擲
菱花相逐又向花房宿

太常引

別思

交飛玉剪羽差池王孫烟草萋門外卽天涯正水碧
山青去時 香銷金斗奩孤玉鏡慵自寫愁眉莫遣
故人知怕減却休文帶圍文津閣本有注○玉剪燕
名金斗熨器

應天長 第一體

閨人刺綉

錢春時節深深院睡起金衣花外轉綉床輕素絲軟
一幅吳綾秋水面 麝烟微螺黛淺衣上唾絨紅濺
花落日長人倦偏髻拖殘線

惜分飛 第二體

程邨感事文津閣本作時作惜分飛詞五十一

關爲殿一章

生小盧家堂裏住解誦文津閣本作頌班姬搗素花
底曾相遇兩情脈脈銀灣渡 九十春光花滿樹狼
藉宵來錦雨欲問相思文津閣本作如路伯勞飛燕

東西去文津閣本有注○錦雨連雨也見五色線

西江月 第一體

懷黃山東園

夢想天都黃海吾廬亦枕黃山半天高柳水潺潺門
跨飛梁絕澗林下棋逢橘叟磯頭釣共漁蠻烟消
月出鶴飛還人在畫溪東岸文津閣本有注○黃山
兔柴在濟南府鄒平縣城東南里許董其昌有兔柴
記巴邛人剖橘橘中有二叟鬚鬢皤然象戲自若曰
橘中之樂不減商山見幽怪錄

詠史

漢武史稱大略隴西家世名流次公已作岸頭侯飛
將數奇不偶昔日人奴笞罵長安甲第雲浮龍鱗
鶴尾鐵兜鍪笑謂鉗徒有口

魯仲連陂懷古題祠壁

少慕魯連高節居然倣儻權奇邯鄲指顧解秦圍一
笑千金脫屣千古清風蘭雪一竿煙水荒陂我來
髣髴見雲旗獨立長留天地

吳中懷古本意

一片西江雲月千年常照梧宮越來谿畔酒城東往
事淒涼如夢轉盼五湖代長當年二三策偏工怒潮

白馬哭英雄穿脅猶持文種文津閣本有注○語云
梧宮秋吳王愁○吳越春秋伍子胥從海上穿山脅
而持種以去與之俱浮於海故前潮水潘侯者伍子
胥也後重水者大夫種也

燕歸梁第一體

吳水部園亭觀演燕子箋劇時玉蘭盛開
海燕紅襟語畫梁似惜韶光紅牙一曲舞山香辛夷
花落銀床良媒却借烏衣燕曲江往事堪傷人間
何限鬱金堂憑遠恨與啣將

偷聲木蘭花

春情寄白下故人

綠楊陰裏秋千索乳燕學飛池上閣水漲銀塘落絮
浮萍又夕陽方山亭下江南路畫槳凌波從此去
十四樓空萬葉千花淚眼中

滿宮花

戲題吳蕊仙花卉便面

漢宮春湘竹扇寫出一痕清怨輕紈半幅不禁秋幾
點墨花輕茜憶燃脂思捧硯餘響猶聞金釧武陵
倘許問津來可似漁郎花片玉台序燃脂暝寫王霞
卿女郎自序云時有輕綃捧硯小玉看題

醉花陰

和漱玉詞

香閨小院閒清晝屈戌交銅獸幾日怯輕寒簫局香
濃不覺春光透韶光轉眼梅花後又催裁羅袖最
怕日初長生受鶯花打疊人消瘦文津閣本有注○
簫局薰籠也

怨工孫

和漱玉詞

畫閣清悄悄情思懊惱旅雁生秋哀蛩錢曉葉底漸減
蕉紅怯西風鶯花步步郎行處將夢去歡儂忍相
負樓頭望斷千里思化鬢雲遠隨君

雨中花第二體

風情

料峭東風吹細雨作使得春愁無主昨日清明今朝
百五漸漸春光去巨勝花前曾記遇難忘却碧桃
千樹擁髻燈前偷香被底一一銷魂語

浪淘沙

和漱玉詞

硯匣日隨身檢點殘春橫雲斜日鬪鮮新昨夜相思
曾入夢香雨香雲記得鬢丹脣似喜還嗔醒來惆

悵隔仙津欲識迴腸千萬轉日日車輪文津閣本有
注○漢人詩鬻妃女脣甘如飴

虞美人

和李後主

杜鵑庭院春將了斷送花多少幾層楊柳幾層風總
付銀屏金屋夢魂中合歡枕上香猶在好夢依稀
改迴環錦字寫離愁恰似瀟波不斷入湘流

本意

拔山蓋世重瞳目眼底無秦鹿陰陵一夜楚歌聲獨
有美人駿馬伴平生感王意氣為王死名字留青
史笑他亭長太英雄解令辟陽左相監宮中史記呂
后以審食其為左丞相不治事令監宮中

南鄉子第三體

閨曉

小婢弄香奩宮餅籠中幾個添細細如塵人乍醒纖
纖榆莢縈墻水半淹曉漏報瓊籤鸚鵡驚寒促下
簾愁鎖眉峯慵對鏡厭厭空說吳孃笑是鹽前人詩
云顛狂楚客歌成雪嫵媚吳姬笑是鹽

醉落魄

讀天寶遺事

風流堪惜沉香亭下雙鸚鵡長生殿裏如膠漆別院
梨花偷試寧王笛 漁陽戰鼓驚相逼馬嵬古驛羅
衫溼秋槐落盡空凝碧殘月華清何處人行跡唐人
詩行盡江南數十程曉風殘月入華清

踏莎行

寄曾道扶魏子存

芳樹秦城春流蜀棧蠶叢西望愁無限銅梁閣外杜
鵑啼嘉陵江上行人飯 遠道縈紆春光婉婉錦江
魚杳淮南雁去時楊柳不勝鴉青青又滿隋河岸

秦淮清明

煙雨清明煙花上巳樓臺四百南朝寺水邊多少麗
人行秦淮簾幙長于市 驀地愁來干卿何事梁陳
故蹟消魂死禁煙時節落花朝東風芳草含情思

醉後作

屈子離騷史公貨殖直須一石憎騰醉胸中五嶽不
能平何人解識狂奴意 修竹彈文綠章封事聊將
筆墨供遊戲茂陵若問馬卿才飄飄大有凌雲氣沈
約有修竹彈甘蕉文綠章封事見昌谷集

和雲間諸公春閨

芍藥紅酣靡蕪碧聚羅幃難把春寒護知他何處送

愁來春來却是愁來路 鶯燕多情芳菲易度纔消

幾陣黃昏雨朝來不忍捲簾看落花片片辭人去

燕補新巢花開舊樹經時不到南園路水晶簾額又

斜陽風前陣陣飄香絮 已怕春來又愁春去錦屏

綉幙留春住爲誰儂憊爲誰憐紅顏半是青春誤

詠鏡

香壓彤奩光迎羅幌圓冰背結盤螭樣一泓春水碧
如煙誰教移向粧台上 脈脈相看盈盈難傍影娥
池畔憑欄望妝成雙鏡照湘簾芙蓉並蒂波間漾

小重山

和湘真詞

行雲如夢雨如塵秣陵惆悵事最傷心當年瓊樹照
臨春胭脂井猶帶落花痕 芳草碧氤氳舊時朱雀
桁幾回新青溪休賽蔣侯神風景換紅淚上上羅巾
夢裏秦淮清夜遊銀罌檀板地幾經秋青溪如帶掌
中流三十曲曲曲木蘭舟 錦瑟伴笙篴春江花月
裏不曾愁折梅何日下西洲音信斷愁上闕江樓鄰
僧施游青溪三十六曲一曲一詩

臨江仙第二體

夢起

寶帳垂雲春夢足銅壺漏盡金鸞夢中消息去漫漫

心情無那比似越梅酸 春事料量歸欲盡閒愁酒

病多般碧城十二曲欄干遊仙枕上枉自寫齊紈

裏不會想沈沈向日不西飛音計瀟瀟愁上闌

中似三十曲曲曲木蘭快 餘瑟對空翠對春

十五家詞卷二十七

謝幾回商青翠未寶飾刻刻轉風景對空翠

識春歸却共飲帶夢夢外莫不 芳草碧盈眉

計雲吹夢雨成雲時時如陣對事最長心當

咏賦真雨

卜重山

紙和懸斷望姓效雙鏡照美美並帝

我聖臨時好向搭台土 孤鴻林香盈盈

香煙翠深高寒夜盡難辨國志清絲盤

我期留春甘食送

除與風前朝朝轉應香

燕翻前疏葉芬芬開舊

幾轉黃昏雨轉來不

殘來春來仗是煙來

欽定四庫全書

日十五家詞卷二十八

休寧孫默編

王士禎衍波詞下

中調

蝶戀花

和漱玉詞

涼夜沈沈花漏凍
欹枕無眠漸聽荒雞動
此際閒愁
郎不共月移窗罅
春寒重
憶共錦裯無半縫
郎似桐花妾似桐花鳳
往事迢迢
入夢銀箏斷絕
連珠弄樂府
合歡詩
寢共無縫
裯河間雜弄
有連珠弄

和少游

啼碎春光鶯燕語
一片花飛又是天將暮
欲乞放晴
春不許
黃昏更下纖纖雨
春去應知郎去處
好囑春光共向郎邊去
畢竟春歸人獨住
淡煙芳草千重路

一剪梅

和漱玉詞

雁語金塘水漸秋
遙聽菱歌不見菱舟
望君何處最
消魂
舊日青山恰對朱樓
九曲長江
天文津閣本

作空際流似寫相思難寄新愁夢魂幾夜可曾閒鶴
子山頭燕子磯頭

漁家傲

本意和漱玉詞

南湖西塞花如霧我歌銅斗樵青舞醉後放舟忘處
所鳧鷖語覺來已是煙深處蒲葉藕花相映暮援
琴更鼓瀟湘句曲罷月明風葉舉誰同住琴高約我
蓬瀛去

出水西門暮抵下關

醉向石城呼小艇總持宅畔花將暝綠柳朱欄相掩
映波光冷捲簾處處珊瑚鏡三日秦淮扶酒病魂
銷不到胭脂井歸舸凌風飛鳥競人初醒清涼山外
紅霞影總持江令字

醉春風

吳陵送春

一霎瀟瀟雨忽報春將暮謝家飛絮沈郎錢去去去
萬點紅中五更風裏春歸何處畫舫桃花渡寶馬
游絲路眼前還是未殘春住住住明明歲今朝今年明
日此情休負沈郎錢榆錢也

解佩令 第二體

賦余氏女子繡洛神圖

芝田蘅薄明珠翠羽想當年洛水凌波步尚憶君王
留怨種枕遺金縷為多情遲君東路神人間阻神
光離合空怱悵斜陽煙樹今日東阿也鄴下風流終
古最傷心感甄遺賦

婆羅門引

寄袁籜菴用稼軒送杜叔高韻

問平安否金陵南去楚雲西望中煙草迷離回首紅
橋分賦筆掣翠虹蛻嘆青門一別白社人稀詩狂
酒悲老大去幾人知往日荊州作牧吊古題詩周郎
已矣憶風流顧曲似當時歸來也兩鬢千絲

御街行第一體

贈雁

銀河一雁歸湘楚似向離人語獨將二十五絃彈玉
軫金徽清苦水明沙碧參橫月落遠向瀟江去衡
陽南望峯無數楓葉秋如雨不勝清怨卻飛來應記
江南煙浦春社纔過又逢秋社燕雁行相遇

祝英台近

湘中別思

玉繩低銅漏咽人向湘樓別似水柔情此際那堪說

劇憐碧玉瓜時丹珠床上都惆悵穠華銷歇真悽
絕持贈九曲連環臨歧莫遺玦一望湘波湘山更重
疊從教身化湘煙淚沾湘竹夢亦逐瀟湘雲月

蕙蘭芳引

春思用清真秋懷韻

寒食又過看馬首淡煙飛鷺最望遠愁心江水潑醅
新綠櫻桃夢覺何處問書樓金屋記箇儂往日翠袖
天寒修竹塞雪如花江花如雪幾更涼燠便千束
羊毫文津閣本作魏難寫柔腸九曲煙蕪遠近傷春
送目春欲歸依舊錦衾孤宿

塞翁吟

和清真韻

記得相逢處倭墮玉髻瓏瓏人靜悄畫堂東清暑試
輕容龍鬚初展冰綃薄雲母曲曲浮空側枕臥芭蕉
初碧荷朵文津閣本作躑躅新紅匆匆自回首柔
奴別後思往事都如夢中借錦水桃花箋色合鮫淚
和入隃糜小字重封姊歸解恨似為離人訴盡東風
唐詩寶髻玉瓏瓏又峽雨試輕容又浣花箋紙桃花
色隃糜墨名姊歸即子規也

長調

滿江紅

同家兄西樵觀海前段第三句少二字

蕭瑟泓崢臨高臺居然萬里正雲瀾決瀉粘天無壁
日月縱橫山島外星河爛熳洪波裏把一杯直下俯
滄溟憑鮫室長嘯處天風急新賦就秋濤沸覺帝
座非遙去天僅尺笑指扶桑凌九點下看蟻蛭分諸
國問何時乘屨訪安期鰲身黑叶中州韻

尾犯

秋懷

羅袂怯西風玉露初零瓊花暗落一片珠簾對寒梧
畫閣隴首秋雲初黯澹天邊鳴雁長飄泊最堪憐處
楚簟涼生孤睡何曾着吳天凝望遠無限水驛山
郭日送雲中甚雁書堪託往事空憐韓掾少新歡已
負秦樓約七絃琴上私傳語女床鸞鶴

水調歌頭

送家兄禮吉赴合肥

南國清明節折柳送行人汀洲滿眼香草斜日奈何
春西望清流關外千里廬陽山色碧玉競嶙峋明日
搖鞭去暮雨宿何邨濡須塢淝水戍幾移軍紫髯
已遠入公草木怨咸秦轉眼興亡六代殘劫依稀半

局憑吊足沾巾鶯老春歸矣莫怨久離羣文津閣本
有注○紫髯謂吳大帝

鳳凰台上憶吹簫

和漱玉詞

鏡影圓冰釵痕却月日光又上樓頭正羅幃夢覺紅
褪細鈎睡眼初睜未起夢裏事尋憶難休人不見便
須含淚強對殘秋悠悠斷鴻南去便瀟湘千里好
爲儂留又斜陽聲遠過盡西樓顛倒相思難寫空望
斷南浦雙眸傷心處青山紅樹萬點新愁

聲聲慢 平仄共二體

和漱玉詞

蛛迷楚館雁去秦樓情懷不禁慘戚帶雨寒蛩窗外
似聳嘆息錦衾斗帳人遠枉怨它西風寒急更漏盡
夢難成畢竟此情誰識畫尺寶奩塵積冷落盡枝
上殘紅如摘倦枕鬟鬆空似鴉翎剪黑裴回那成好
夢但鮫人只有淚滴恁打算那人去怎是少得

念奴嬌

和漱玉詞

疎風嫩雨正撩人時節屠蘇深閉幾日園林春漸老
徧是鶯聲花氣紅友樽殘青奴夢醒寂寞渾無味關

山萬里飄搖尺素誰寄
香閣曲曲迴欄殘朱零落
都爲傷春倚厭說鴛鴦
還待闕繡被朝朝孤起額
淺鴉黃眉銷螺碧鞦韆
盡相思意春來情思小
姑將次知未文津閣本
有注○紅友酒名青奴枕名

吊太真

開元盛日正霓裳
按拍凌波裁曲繡
嶺宮前宮騎至
乍進合歡香
橘力士傳呼念奴清
夜潛伴諸郎宿翠
華人遠樓東
恰就新賦花下羯鼓初
終梨園子弟
驚散漁陽鼓
舊日曲江佳麗地
細柳新蒲空綠
棧道深秋華清夜
月腸斷淋鈴雨
千年遺恨馬嵬
淚盡紅土用中州韻

水龍吟

揚子江上作

岷峨萬里滔滔荆吳九派來
南紀潯陽東下秣陵西
望吳頭楚尾鐵甕風高海門雁斷
角聲初起嘆從來
多少英雄割據都付與東流矣
盡道長江天塹暗
消磨幾番戰壘師兒年少寄奴老手
正堪相匹北府
風流子有孫權甥如無忌到而今
洗馬臨江愁絕一天烟水
文津閣本有注○匹上聲魏武云師兒難與
爭鋒謂孫策也

拜星月慢

踏青歸晚

雨暈紅酥波酣碧醞乍是清明百五
五花信風輕拂繡簾珠戶人初起
慵向鏡臺勻面何處隔窗低語青雀
傳書約踏青同去
樂遊原一片香車度玉津園十里
烟花路無恙往歲春光又匆匆相遇
倩遊絲牽惹東君住消魂絕幾陣棠梨
雨呼女伴歸去瓊閨掩漫天飛絮
唐詩紛紜隔窗語重約踏青期

南浦

寄興

河東游俠曾雕弓在臂箭橫腰杜曲
灞陵日暮小獵競相騰勁拓弦千石
看青天萬里灑風毛聽嚴城畫角射生
歸晚雪暗繡盤鵬老去酒徒零落但
歸來南浦混漁樵苔臥綠沉槍澀秋水
冷并刀猿臂才名空射虎功名事都讓
兒曹老子須一卷鴛摩禪榻雨蕭蕭
文津閣本有注○金波遺事十月初例
賜錦襖子太宗改賜黃盤鵬鴛摩經見
內典

望遠行 第三體

蜀岡眺望懷古

江樓昨夜聞哀角激灩斜陽將暮淮南
水驛故國長

亭一帶迷離烟樹秋月春花歲歲天涯孤客贏得壯
懷如許最難禁常是梅天絲雨誰語獨上蜀岡騁
望見亂柳栖鴉無數板渚人稀玉鈎夢杳不記離宮
何處憶自吳王僭竊阿麼遊幸幾度蕪城堪賦但井
欄風急精靈來去文津閣本有注○鮑照蕪城賦邊
風急兮城上寒蒼苔沒兮深井欄唐人蕪城詩城裏
明月時精靈自來去

望湘人

賦余氏女子繡柳毅傳書圖

看繚綾半幅繡線千絲泥人幽恨如訴雨鬢風鬟花
愁月暈惟悴牧羊南浦目斷瀟湘楚天無雁倩誰傳
語忽相逢秦塞歸人洒淚爲通魚素可柰錢塘一
怒便碧雲萬里片時來去宛綃縠明璫無恙龍宮嬌
女更休悵望神人道隔永念君恩難負兩情合何處
牽絲社橘依然春樹

沁園春

偶興與程邨羨門同作

春去秋來林無靜柯川無停流憶卓女壚邊花籠趙
瑟要離冢畔霜淬吳鈎劍客從遊酒徒託乘意氣居
然橫九州誰知道看主家廝養騎尉通侯十年壯

志難酬但眼底清樽恣拍浮謂萬戶千鍾卿其休矣
千峯萬壑吾又焉求龍性難馴鴻飛何慕爭席休驚
海上鷗忘機久任行歌帶索五月披裘文津閣本有
注○林無靜柯川無停流世說語龍性誰能馴見五
君詠鴻飛冥冥弋人何慕見法言

何處放懷萬里之流千仞之岡笑非佛非仙人稱散
聖不癡不慧古號遺狂蠻觸爭殘夔蛟觀破慢世須
教覓樂方誰解識有粃糠堯舜嘯傲羲皇門前一
枕滄浪但秋水逍遙註幾章問舊友誰過井公園客
新知不厭負局修羊金粟前身玉清往事遊戲人間
傀儡場須回首是麗農方丈早認渠鄉文津閣本有
注○莊子逍遙遊是其塵垢粃糠猶將陶鑄堯舜王
子猷云未若長卿慢世井公園客負局修羊皆仙人
名麗農海上神山也

賀新郎

夜飲用蔣竹山韻

過雨花如繡正罍罍四面低垂繁英香透結客十年
知己少何似銀箏翠袖莫須問濤飛山走且解金龜
休作惡未傷神絲竹中年後空淚墮金城柳長安
一雨分新舊更誰能望塵膝席爭名雞口高誓安期

靈氣盡一壑三山似阜但海水盡成醇酒鸚鵡螺卮
金不落問狂生得似公榮否休暫住捱篆手文津閣
本有注○高誓古仙人鸚鵡卮以螺爲之凡九曲馮
道家有水晶不落不落鑿落同

席上被酒示程邨同賦

把酒歌金縷正遲日和風小院金衣梳羽緩拍紅牙
青樽畔蟬鬢美人相語更掩映花前白苧釵掛臣冠
交翠鳥細腰身幾欲凌風去似燕燕掌中舞花奴
妙合梨園部便何妨岑牟犢鼻爲卿搥鼓數弄漁陽
平生氣不禁飛揚跋扈自古道英雄無主胡粉搔頭
聊作劇料思王而在應相許君但醉酒如乳文津閣
本有注○飛揚跋扈杜甫贈李白詩句李賀詩自古
英雄本無主胡粉搔頭用陳思對邨鄆淳事岑參詩
花撲玉缸酒如乳

十五家詞卷二十八

十五卷同卷一十八

芬對王王國成務

美華本職主賦發對國成務

本亦志。無賦。對國成務

轉對陳科思王而主國成務

平主康不恭樂對國成務

以合樂園國成務

交平與國成務

青對國成務

呼西國成務

帝土國成務

本亦志。無賦。對國成務

金不恭對國成務

靈康蓋一笠三山

靈康蓋一笠三山

欽定四庫全書

十五家詞卷二十九

休寧孫默編

董以寧蓉渡詞上

序文 從文津閣本補

往歲吾友孫無言稱毗陵董文友先生有弟子數百人談經不輟私意董子當不必求之風流軼宕中矣他日無言出董子蓉渡詞讀之何其嫣然以媚婉約而多思也昔子瞻尚書論語易皆有傳而舞裙歌板之間又復新聲繚繞乃知風流軼宕亦猶風人之旨也董子著書滿家天下稱之填詞特董子餘事耳吾近得從董子飲瓊花亭畔見其翩翩霞舉異時過其讀書處則絳帳後當必有季長女樂書此以爲後堂之券成都楊岱東子撰

小令

閨中好

閨夏

閨中好茉莉香中坐珠汗怕沾紗紅絨罷繡花

荷葉杯 第二體

相逢曲

十五家詞 卷二十九

中華書局聚

若箇粉郎嬌艷當面多事一凝眸恰逢小妹乍回頭
羞麼羞麼羞麼羞

漁歌子

相思曲

銀蒜低垂睡起遲
楝花天氣耐相思
羞對鏡怯吟詩
午倦添香入被池
銀蒜押簾物見古樂府左思詩衣
被生重池謂中心皺處

搗練子

橋頭

金作勒玉爲羈小馬驚香何處嘶
紅板橋頭扉半掩
幾絲楊柳掛黃鸝
小馬驚香魏文帝事

憶江南

叩叩詞

章臺女叩叩結新歡
堂下每迎花底笑
人前私向鏡中看
可許一生拚繫欽詩何以致叩叩香囊繫肘後
牛嶠詞須作一生拚盡君今日歡

憶王孫

春閨

東風庭院暗香恬
半樹梨花壓畫文
津閣本作繡檐
眉黛無端簇一尖
晚愁添細雨瀟瀟不捲簾

如夢令

賦別

綺語和郎細誦紅袖半肩輕擁忘卻漏聲催早是信
雞催送珍重珍重此去畫橋霜凍

風流子 第一體

久別

已是別時惆悵更是而今悄恍空寄語未逢歡愁被
春風吹長自憐一樣眼角眉梢心上

長相思

舟泊

片雲留片雲流水遠山長客子愁如何是盡頭一
孤洲一孤舟憔悴天涯黑敝裘相思玳瑁樓

望梅花 第一體

過鸚鵡洲

芳草萋萋如畫喚起彌生閒話自文津閣本作死向
風波曾不怕長袴請君穿罷除是阿瞞還值罵黃
祖不堪君詫

調笑令 第二體

賦張巡妾

軍中聞笛君寫詩孤城忿恨妾已知援兵不至妾

終死妾先就烹復何辭妾身原委風和雨妾命甘
同雀與鼠轅門賜遍剩丹心與君自吞須記取
記取和君語自讀睢陽聞笛句縱餘黃土無歸□莫
灑雙雙紅筋願日後攜儂巾幘二十四城傳去

醉太平

壽玉虬叔三十叔別號雲癡

蘇仙李仙張顛米顛其詩其字之間許雲癡並肩
書簾茗烟琴紗畫箋年年長向花前著金貂醉眠

感恩多

鴻信

昨夜傳鴻信雨後花扶病兼傳病有因為郎顰
覺情多真假轉難分轉難分便是空言忍猜他未真

生查子

柬內

伴繡小青鬟生性由來好慣得阿儂憐不累伊家惱
茶竈倩他炊藥白虧他搗莫做阮咸姑休學王珉
嫂阮咸幸姑婢姑當歸初二云留婢不果咸追及累騎
而還王珉嫂婢謝芳姿被撻作白團扇歌珉所捉也

臨淮舟次集唐

不見有人烟孟浩然人烟隔水見皇甫冉寒葦露船

燈周賀野火明沙岸祖詠
月晚樹陰多耿漳浦迥
湘雲捲朱慶餘坐看雲起時王維
吳山中路斷方干
醉公子

挑碁

小姑斂衽拜嫂嫂粧臺下乞早整蓮衣花間去賭碁
杏釵多戴箇停會來輸我若倩小哥幫輸時拔一
雙

重來

乍握纖纖手儂意他知否莫便使他知教他歸去思
重來花下見紅暈潮生面纖手只微籠多時露玉
葱

賦艷

儂心何事惱姐姐姐姐欺儂小偷看合歡書憎儂問起居
好從花下避怕見書中字匿笑不回頭回頭替姐
羞

點絳脣

江晚

去去江舟煙中山色渾無據落雲迎雨雁向瀟湘去
晚浦觀漁不辨漁人語花如絮月蘆深處那裏汀
頭住

消閒

無可消閒不
愁怎得光陰過
綠窗賡和伴說
愁城大強約
愁來愁也來
何莫曾經麼
和衣獨臥
今夜愁真箇

閨思

翠被葡萄輕籠
金鴨香煙重
梅花影動小閣
寒宵共到得
而今無計
鳳求鳳愁千種
一場春夢又被
燈花哄

旅贈

旅館黃昏
檠燈襍被
鐘聲悄心煙
縹緲只是隨
郎裊眉語低
時暗計行程
早如何好畫
眉雖巧五日
張京兆

女冠子 第一體

春閨

柳綿吹怯
不費東風着力
看來遲曲
沼經行處
迴廊遍倚時
鴛鴦游冶子
鸚鵡滑稽兒
見見人消瘦
盡笑人癡

浣溪紗

曉

幽夢宵來托錦膠
起看雜樹已花交
不禁蓮瓣一輕

敲盥手試香按豈蔻開奩占喜得蠨蛸繡床針帖
尚閒拋

夜

淡月迴廊幾處灣花陰潛入候雙環殘燈明滅未曾
還落繡正窺金約腕罷粧猶繫玉連環一重屈戌
隔蓬山

賦別梁谿主人

十里珠簾正冶游好乘青雀下蘇州雙銀曾寄杏花
樓愛爾一樽桑落酒遲予三日木蘭舟春風寒到
紫貂文津閣本作襲裘

閨思集句

欲作家書意萬重戎豈美人千里思何窮吳融眼看
春盡不相逢元稹
幾處吹笳明月夜李益一聲腸
斷繡帷中宋郊詞秋波不動篔簹紋融獨孤及

減字木蘭花

村落

柴門傍岸白板雙橋連曲斷水漲花溪一夜東風沒
釣磯漁童叉髻待攀細柳穿雙鯉細柳條條拖得
黃鸝拂板橋

菩薩蠻

生拚

怪郎昨夜欺奴甚生拚獨就紅蕤枕脈脈轉銀河郎
將妾奈何心腸畢竟軟漸褪羅襦半不覺響流蘇
雙鬟睡去無

舟次集唐

一樽酒盡青山暮劉禹錫雨昏青草湖邊過鄭谷沙
淺浪痕交章八元雲帆礙浦橋祖詠潮平兩岸闊
王灣古木疑撐月李賀何事與心違王灣瀟湘人未
歸于武陵

代伊

阿娘碎語綿如絮檀郎只好心頭貯音信日來稀文
津閣本作疎思伊轉恨伊此情頻欲寄又恐傷郎
意斟酌數行書言歡字字虛

卜算子

雪江晴月迴文倒讀巫山一段雲

明月淡飛瓊陰雲薄中酒收盡盈盈舞絮飄點點輕
鷗兒晴浦晚風寒青山玉骨瘦回看亭亭雪映窗
淡淡煙垂岫

岫垂煙淡淡窗映雪亭亭看回瘦骨玉山山青寒風晚
浦晴兒鷗輕點點飄絮舞盈盈盡收酒中薄雲陰

瓊飛淡月明

醜奴兒令

閨怨

歡情別恨匆匆換歡是前宵別是今朝一樣輕魂兩
樣銷 夢來夢去迢迢覓去夢郎招來夢奴邀兩處
輕魂一處飄

醉太平 第一體

金錢卜

鵲兒不斷燈兒不管紫姑仙不曾明判擲金錢再算
青蚨飛去還飛轉只郎去歸偏緩待點六爻還未
半奈心絲先亂

清平樂

私語

已將身許敢比風中絮可奈檀郎疑又慮未肯信儂
言語 便將一縷心煙花間斂衽告天若負小窗歡
約來生醜似無鹽

占春芳

金盆濯髮

看翠雨香繚繞亂縮正三分斜插牙梳欲墮雲邊鉤
月初新 待洗忽含鬢爲檀郎銀剪留痕遮藏且喚

雙鬟去莫捧金盆

相思引

為雲孫咏侍兒小福

年紀花梢半未諳
柔情先似再眠蠶
偏將串給珍重
疊香函
閒伴夫人同鬪草
沉思未敢摘
宜男郎情
深淺還向夢回參

憶秦娥

堪訝

殊堪訝自將阿鶯無端嫁
無端嫁留他不得掉他
不下
昵人秋水臨行瀉
舊時團扇應難舍
應難舍看
他明日耐他今夜

閨怨

迎風哢隔簾長
自鶯聲鬩鶯聲鬩
起來無力睡來無
夢
記得當年南浦送
雙斟鵲腦情千種
情千種低
眉款語幾聲珍重

鸚哥

猫來也鸚哥喚道哥哥
哥哥打哥哥打聲聲
讖悔摩訶般
若
美人憐惜愁偏惹
粉于盃餵肉犀簾下
金籠半啓雪衣輕灑

冶遊

郎君去郎君駿馬誰家住誰家住誰家住
罍前綠酒牀前紅炬
遊絲欲繫春風絮
睡花蝴蝶癡情緒
癡情緒千金博得明眸一覩

畫堂春

夏日課婢掌書

幾床書卷散牙籤
閒時信手常拈
拋來高枕帙誰緘
好倩纖纖莫把燃脂汗
染還將辟蠹香添
頻頻親捧向冰簾一卷楞嚴

又浣葛

衣紋單複盡能勻
憐伊大好腰身
那堪常傍葛衣塵
酒污餘痕憑向銀床漫洗
任教蓮杵頻聞
桁邊風透帳邊熏一縷氤氳

又浣花

爲憐春去惜芳菲
將泉欲滴花枝
禿襟小袖汲來遲
別樣腰肢細灑恐濺裙幅
徐傾好沁香脾
一枝輕摘襯烏絲
揀又多時

又曬藥

茂陵消渴未全痊
奩中藥裹偏多
一丸休認枕邊按
錯斂雙蛾曬久頻移花影
暗侵小褪香羅
竊來休向桂婆娑
伴了姮娥

又烹茶

落花風裏綠煙輕聽來細細濤聲憑攜方麪向茶鐺
蟹眼時烹洗處輕攢素笋嘗時小破朱櫻定瓷親
捧更盈盈仙掌初傾方麪扇蟹眼泉

又揮扇

滿庭花影日光烘芳姿挾扇偏慵喚來珠汗正融融
細昏荷風拂去篆煙縹緲捉來玉指青葱淡紅相
袂映酥胸微漾輕容唐詩嫌羅不着愛輕容

又侍浴

墮鬟初卸拭輕紈綠雲迴手重盤笑郎新沐髻如丸
何日彈冠半晌勞接澡豆幾回羞倚闌干待穿犢
鼻好同看月掛林端迴手人盤見祕辛婢妾琉璃碗
盛澡豆王敦尚主事相如着犢鼻袴滌器

又拂簟

冰絲簟子出蘄州鋪來湘水平流爲郎拂拭向紗幮
涼沁如秋每到宵來重展却憐曉起偏羞臂痕人
訝細紋留今夜拚休

喜遷鶯

染甲

拈金鳳擣硃砂纖指染紅葩殷勤捧得玉甌茶光映

綠沉瓜 莫輕彈休更剪夜半搔時誰見落霞琴上
不曾差流水泛桃花蔡經思麻姑爪搔背光武與馮
異書夜半誰爲搔背癢也落霞琴名流水琴曲

海棠春

閨詞補和程邨阮亭韻曉妝

畫樓檐馬琤琮響花幾片亂飄蛛網日射水晶簾影
動波紋漾 牡丹鬆髻梳新樣爲鏡裏人兒心掌薄
悅貯犀簾嬌額風前敞

又午睡

夜來花睡何曾足把往事欲拋心曲欹枕小釵橫軟
襯芙蓉褥 衣痕細細肌勻肉半醒處咳成珠玉喚
煮鷓鴣茶煙漾紗窗竹

又晚浴

梧桐月暗人無影私瞰處舊愁都醒燈晃背湘簾玉
墮春波冷 金釵卸向銀華鏡拂拭久綠雲猶整簫
局漫重衣幾度添宮餅簫局熏籠也

又夜坐

芭蕉却報黃昏雨聽不斷蓮花雙杵擁膝更支頤跌
坐渾無語 冶遊試問誰邊去全不聽城頭譙鼓應
教短轅中揮禿瑯琊塵瑯琊王導營別館曹夫人如

將往焉導恐妾被辱之塵尾柄驅牛車進蔡謨戲曰
朝廷欲加公九錫聞有短轅犢車長柄塵尾

慶春時

日長

半牕閣繡幺絃罷曲漫火餘香玉人此際粧成無事
纔覺日初長銀驄何處等閒嘶過紅牆鶯簧吹轉
柳綿飛起儘日好思量

攤破浣溪紗

曉起

曉擁香篝意惘然祇因芳夢記難全起向藥欄渾獨
立倩誰圓倭墮髻垂遮領字水沉香透結衣船閒
整新粧還自顧惜娟娟領字衣領作心字者衣船衣
鈕也昔人以解天子呼來不上船之句

眼兒媚

江上鴛鴦

初春嫩綠染香溪鴛鴦作陣飛迷香曲處雙雙三六
若箇情癡新來怕見離愁事鎮日並頭棲韓朋塚
下竇家機上不肯相依

桃源憶故人

擬代

鴛鴦枕上青山誓話得十分容易不料有頭無尾枉
受他調戲人知他又把前翻計別院應還重試暗笑
那人知未薄倖從前既

燭影搖紅第一體

偶筆

到得而今鬚眉已逐簪笄嫁應知孝弟力田科却是
東陵跖消受酒晨花夜便遊俠不將名借青蠅休
弔龍泉太阿汝知我者

鬲溪梅令

賦得臥房堦下插魚竿

簾前綠水映雲屏自盈盈敲得銀針獨向畫欄凭
粉郎歸未曾粉郎空有許多情未均勻好似簾鉤偏
重帳鉤輕魚鉤只幾分

西地錦

同三五女伴道小名

不合相攜鬪草把小名輕告隣娃便說而今輸却把
小名爭叫萬一儂家輸了寧可酬花鈔怕他簾外
侍兒竊語并檀郎知道

極相思

賦得有約不來過夜半

玉簫閣在花茵留記月波痕朱扉半掩青燈半滅作
意銷魂半晌月痕移舊處風浙浙幾度微聞明知
不是伊家屢響聊且開門

留春令 第一體

浣手繡觀音

蘭湯浴手窗前先就紅蓮嬌片須記他原少淩波休
錯配鴛鴦線 繡着金身須半面似向儂青眼春筍
纖纖近慈雲疑紫竹林中現淩波襪也

瑤池燕

開簾引燕

當年曾僭昭陽殿燕燕移家新到珠院雙雙見蕙花
半箭啣來健 妬雙雙畫閣穿遍將簾掩雌雄暫教
違面心休蹇三三生今欠須方便

思越人

高軒過

避車塵調蟋蟀甘稱閉戶先生多事乘軒還過訪方
知人重功名 黃金不與儂廝認原是床頭冰冷何
物誤人田二頃散與酒徒須盡

杏花天

憶夢

雲眠月醉青山臥，把好好夢背他偷。做杏箋方欲雙題，
和忽被寒濤鼓破。奈未夢，心情猶可到。夢後淒涼，
怎過呼奴好伴挑燈坐。今夜夢來須躲。

雙調望江南

閨夜

和郎坐閒話，說東家小鴨漫燒宮裏餅。香濤滾潑雨，
前茶春去，且由他。和郎坐粧卸，玉簪斜戲譜新詩。
題冊葉輕移，小盞護燈花，遲遲入帳紗。

江月晃重山

初避人

幾片桃花醜面，一圍蝶翅披肩。當初生小在人前，游
郎到迴避，只今年。飲笑央人索扇，低眸喚婢垂簾。
猶飄紅袖出屏間，還偷覷，輕踢鳳鞋尖。

鷓鴣天

憶

萱蔻香含正未笄，二年嬌笑手長攜。羽衾熨處分龍
腦，羅幙縫成索麝臍。花並蒂，燕雙棲，合歡猶卜紫
姑。亂傍人已道成連理，惹得春山翠黛低。

繡苑

繡苑晴光盡日佳，更無愁思望天涯。名花結果春前

定小鳥姻緣枝上諧
纏錦帶脫金釵秋千架子近
香街綵繩握處開裙袂多少香風正入懷

別

賦得將離向綺牕桃花流水送遊鱖柔腸乍結先迴
九小字親鉤定取雙
同玉案伴銀缸慣來一晌不
驚龙多情恐逐浮萍去發愿拈針繡佛幢芍藥一名
將離

寄

兩小無猜直到今丙寅鵲腦慣同斟鴛鴦向午常交
頸豈蔻多時始見心
曾賦別幾嗣音天涯南北雁
難尋歸來朱鳥牕前看應有蛛絲網畫琴十月丙寅
日以鵲腦入酒令人相思

嘆

是處常來好當家慣從明鏡看朝霞夢中猶認崔娘
枕扇底難披温令紗
人忽別思無涯歸來空訝七
香車迎風一笑回頭望
髣髴雙簪並蒂花

慰

何處春風着柳斜深深庭院綠陰遮每彈指處聞花
嘆自抵牙時爲曲差
頻減膳漫呼茶莫將惆悵錢
年華門前流水藍橋鎖猶度當初金犢車

昨夜

昨夜天孫罷錦梭，輕槎無恙到明河。幾經私語全珍重，再試真心薄譴訶。羞月姊，避鸚哥。玉人頻問夜如何。最憐蝴蝶驚魂驟，輸與莊生曉夢多。

虞美人

臨風寄語

花陰空覆鴛鴦寢，寒入紅衾凜。早知好事付秋風，何似當初索性不相逢。聞伊別後思量意，竊自沾沾喜。累伊憔悴倍心傷，又望伊家索性不思量。

限韻咏池上楊妃海棠

馬嵬坡上楊妃血，灑徧枝和節。依稀猶是舊檀心，却似唐宮睡去夜初深。梅妃應笑胭脂重，欲喚從前夢。臨池照處映魚苗，疑向三郎傳語倩雙鱗。

木蘭花令

集句

初捲珠簾看不足，權德輿。翠袖紗牕紅映肉，蘇軾。犀辟塵埃玉辟寒，元稹。花為步障金為屋，胡宿。日暮東風春草綠，武元衡。紫穗紅英曾斷目，元稹。繡靴香鞵夜不歸，崔塗。端居嫌唱將雛曲，駱賓王。

南鄉子

舟次集唐文津閣本作句

疎雨過春城王維夾岸桃花錦浪生李白復有樓臺
啣暮景新晴杜甫樹裏南湖一片明張說噉噉夜
猿鳴陳子昂野渡無人舟自橫韋應物蝴蝶夢中家
萬里二三更李益行盡江南數十程杜常

客舍集唐

回首一傷神杜甫暮雨千家薜荔村譚用之燕子不
來花着雨黃昏韓偓寂寞山窗掩白雲權德輿歸
思欲沾巾杜審言雨過山城見月新錢起獨在異鄉
爲異客思親王維斷續鴻聲到曉聞張仲素

一斛珠

佳人據馬棹

團團有對小花兜肚殊堪愛而今多放金釵在天女
散花賀倒須教倍小姑亂棹全無謂三葉風旂都
扯碎儂家更有鴛鴦背不喜金釵私喜名兒美

東坡引

十賚詞示婢文津閣本有注選九首湖鏡

茗溪前歲住曾把銀華鑄玉臺猶恐塵埃駐須將珍
重貯須將珍重貯伊家自信傾城無侶試照向簾
前去箇中人也將人覩肯教他讓汝肯教他讓汝

二 杭粉

粉丸鉛雪冶捻就和蘭麝幾年西子湖頭買開函香
尚惹開函香尚惹 慇懃贈與料應稱謝却留向湘
簾下道儂真色何曾借不堪珠汗灑不堪珠汗灑

三 濟寧油胭脂

朱唇何待染刺繡憐香腕不龜手藥任城換簪來挑
與看簪來挑與看 剔開寸紙腥紅膩軟偏半晌沈
吟玩問郎原碟多應滿是誰分一半是誰分一半

四 如皋篔

如皋人射雉曾把湘篔寄勻排密比多堅細與誰除
髮膩與誰除髮膩 記他枕上蘭膏微滓便喚向風
前試原來背後無人倚宛伸憐玉臂宛伸憐玉臂

五 六合肥皂

纔梳雲髻鞞旋把新羹做藥鑪茶竈時時課恐教纖
手宛恐教纖手宛 雄州皂筴搗成百和宛手處接
抄過夜深推枕鉤郎臥餘香猶在麼餘香猶在麼

六 餘東手巾

香巾何細潔云是餘東織見他珠汗融融濕換他紅
袖袜換他紅袖袜 繡床閒掛有時輕摺將素手頻
頻拭拭時莫把雙銀脫應防儂欲竊應防儂欲竊

七建寧香袋

縫成紅素絹妝就鴛鴦線雙雙嬉子雙雙燕一雙圖
半面一雙圖半面繫他裙袂氤氳堪羨願翠管郎
親捻翻來覆去教郎見這邊題欲徧這邊題欲徧

八川扇

泥金疊扇子別樣成都紙盤來雙鳳雲如綺藏時曾
見未藏時曾見未偶然檢出攜來花底早捉向纖
纖指輕輕搖莫便心兒喜秋風明日起秋風明日起

九蕲簟

簟紋冰玉潤獨有儂床襯伊家臂上微微印怕人容
易認怕人容易認當初買向田家古鎮這長物應
難吝與伊鋪在紗帷近銀燈將欲暈銀燈將欲暈王
忱索王恭六尺簟送之遂坐薦上曰吾生平無長物
長去聲

十五家詞卷二十九

欽定四庫全書

十五家詞卷三十一

休寧孫默編

董以寧蓉渡詞中

中調

臨江仙第四體

昨夜

昨夜玉人迎笑處石榴花壓重牆湘簾垂徧鬱金堂
籌分雙陸局帖較十三行韻事好消清晝舊歡無
奈思量輕魂銷在鏡臺傍緣隨骰采卜酒帶口脂嘗

一剪梅

酒闌歌示程邨

與君詩酒兩相于座有紅于尊有青于湘蘭不並草
軒于山鳥刑于山花友于夜深文津閣本作闌聯
袂鼓綿于舞罷神于吹罷茵于徐徐臥去正文津閣
本作覺于于一石淳于一夢淳于紅于妓名青于酒
也出衍元記軒于蕝草出相如賦白詩野鳥山花吾
友于綿于曲名徐徐句出莊子神于秦俠士舒章劍
茵于笛名淳于一髡一焚

如詞

慣得相攜花下游蘇大風流蘇小風流而今別況冷
于秋燕去南樓人去西樓 等閒平判十分愁儂在
心頭卿在眉頭少年心事總悠悠一曲揚州一夢蘇
州

後庭宴

謹燕

紫燕雙依雕梁並語拴簾不放伊飛去問伊昨夜過
香溪見郎那裏花間住 一回捲上簾兒放去尋郎
何處待晚歸來啣得粘泥絮似訴畫樓前薄倖人如
許

蝶戀花

落拓

自是暮春風裏絮浮蟻呼盧到便索留住絃索笙簫
聲亂處一圍紅袖爭詩句 以客為家家似寓偶爾
來家收拾閒情緒阿婦驚疑前致語問郎何不歸家
去

漁家傲

黃鶴樓邊漁艇

孤篷漁艇煙中駕晴川自寫吳綾帕漁子不知身是
畫呼婦罵問錢昨夜存多寡 網得巨魚驚又詫復

呼阿婦歡然話黃鶴樓邊閒去耍沾酒罷歸來月上
山頭乍

蘇幕遮

簾外聽墮釵聲

玉鉤垂犀箔護肯遞春風偏斷遊絲路內裏暗聞釵
響度擲地金聲抵得天台賦望明妝遮薄霧鬧掃
雖鬆窄墮知何故難道拔時纖手誤倘爲儂來忽地
迴頭顧

花間聽彈指聲

綠初迴紅漸出樹樹春交把手輕來折爲底芳心攀
又歇無語無言自把螺紋畫爪纔修琴罷撥啣遍
纖痕獨向東風剔畢竟思量春可惜待問分明瞥去
屏山隙

窗下聽咳聲

粉罽罨金屈戌花影交加昨夜扶行處欲嗽還驚蘭
玉飮低鎖輕喉不放隨風去怪重來偏未遇窗外
濛濛立盡三更雨不是嗽聲能聽取便認衣香難捉
迷藏住

迴廊聽鞋底聲

月初沉星欲滴一帶迴廊曲曲猶能覓暗數欄杆應

六七聽徧行蹤不是伊家屨
步徧那行轉怯似待
如迎却是來時節半晌消停憐窄窄兩瓣輕蓮曉起
看無跡

屏邊聽浴聲

兔華輕螢照冷瞰浴潛來轉傍湘簾等誰料銀屏遮
鳳脰小玉嬌憨枉賺黃金餅
粉應消珠定映喚取
湯添冷熱心頭省豈惹方接知未竟半晌纔看禿袖
來花徑

樓前聽骰子聲

鳳簫停鸞幕啓十二樓高結遍春風綺今夜玉人慵
不倚骰子逡巡擲向纖纖指
似無愁如有思漫想
閒猜卜甚心頭事轉憶前宵楸局裏親點牙籌賭喝
雙雙雉

房中聽喚婢聲

綺窗明金屋煖香篆浮簾脈脈垂銀蒜翠幔欲牽行
又緩生怕鴉鬟閒話長和短
茗須烹花待灌檀口
輕圓頻把蘭香喚喚久不來誰作伴知造伊家獨坐
妝臺畔

燈下聽剪刀聲

紫紋綾紅錦緞裁向燈前響雜黃金釧應恐鴛鴦分

背面鉅尺頻移停處產量遍
昇還移人未倦疊股
并刀運處分明見萬縷愁腸縈莫遣欲斷仍連試倩
蕭娘剪

隔幃聽夢魘聲

穗煤昏蓮漏杳只隔重幃遠似蓬萊島魂夢知他何
處繞欲醒頻呼話覺糊塗好
養嬾癡香婢小憨睡
瞢騰只索將伊叫狂夢魘來應未料試問伊家可喚
江郎覺

帳畔聽流蘇響聲

枕珊瑚床玳瑁懸蛤初收帳底容難照忘却流蘇能
轉掉漫揭輕羅傍動銀鈎了
響原輕聲漸悄睡熟
鸚哥定不驚他覺和月和雲和被抱一夜春風散盡
愁多少

甘州徧

賦得不信比來常下淚開箱驗取石榴裙

深宮裏鎮日黛眉低意支持文津閣本作離最堪憐
是相思說話男兒聽慣不經思
拋妾淚怕人疑湘
裙寧溼不將雙袖染胭脂開箱處無語立多時訴伊
知石榴紅處都是杜鵑啼

醉春風

索履

蓮瓣重苔嫩移過朱欄近碎紅纖綠點微尖襯襯襯
為惹春塵繡來雙雀絲兒微褪好向郎君問文津
閣本作蕭郎訊弓樣休難認香泥踏處記曾量寸寸
寸願裏羅襟攜歸繡院教奴重整

來燕

添繡鴛鴦線懶認春風面停針急喚侍兒看燕燕燕
香壘新增雕梁小語今年初見纔信韶光豔幽院
閒尋遍那知已是杏花飄片片舊燕重來箇人何
處幾回難遣

芭蕉雨

本意

深鎖綠天小院奈心兒已是如他捲添得雨聲嘶亂
試問與妾何干將愁共判鞦韆着肩兒一半凭向曲
欄畔憶粉郎今夜瀟湘遠還再問可曾知須把妾處
移將郎邊種滿

行香子

題孫無言半瓢居

疑是廉泉還似文園喜先生於此盤旋酒鎗花下棋
局鷗邊勝謝家池裴家野米家船客來薄醉客去

高眠想羲皇欲往從焉何須碌碌更問塵緣羨上上陽
花平陽第洛陽田

鳳凰閣

閣中

記桃花時節攜登香閣小婢呼茶出蓮幕縱是愁難
細說說來防錯抵多少眼酬眉酢 生怕人疑故向
窗前倚着早見桃花已零落妾命郎情只恐似他都
薄便無語臨風蕭索

青玉案

索鏡

菱花憐我秋來瘦故把清光都黝修書爲問郎知否
照人青眼有前無後花下常蓬首 陳官舊樣鴛鴦
紐曾鑷下色空心咒魚腹而今須再剖臨鸞一拂烟
鬟香溜風月纔依舊

看花回

索琴

桐尾魚紋響欲仙金線頻添聲聲報入雲空裏敢驚
他鳥醉花眠自從人去後懶撥春纖 故嗔小婢太
癡顛付與青烟秦吏袋魚須寄去倩郎重整新絃歸
來相對好一曲紅鹽

感皇恩

詠鏡

有福共嬋娟相依白首看盡雙蛾似垂柳此中何處
有箇人兒爭瘦笑效顰難效腸迴九人春塵飛處有
時昏黝拂拭紅綿勞玉手芙蓉映入疑是瀟湘清澗
怪東風起處吹難皺

兩同心

對飲

花覆犀簾重來妝次不言中覺有寒温微笑處知參
悲喜誰忖得無限思量兩人心事徐設雕文小几
青鬟列侍漫猜枚鈎弋開拳慵把酒相如病肺到更
深月溜重門又還歸矣鈎弋夫人初召至時兩手皆
拳漢武披之即開

天仙子

為婢催妝

幾度低眸燈下說環兒欲試何須玦一生辜負是今
宵將伊撇噴儂劣瘦盡休將珠淚竭酥乳緊拴紅
袖袂怕衣鬆打鴛鴦結料伊悲喜總銷魂難重憶難
相決明朝看你來時節

千秋歲

爲鄧元昭先生壽

錦衣方書早見雲歸岫留與鄰堪先後文章西邸會
絲竹東山奏爭羨處優閒總是君恩厚 回首金門
漏猶恐詢耆舊烟水畔清風袖鳳彪兒輩戲裙屐門
生候將酒進年年長向花前壽

小桃紅

手書

郎寫梅花體輕軟如郎意別後濤箋疊成雙鯉倩鴻
來寄怎書中柳骨與顏筋不比當初字 再認棠花
記還是郎親製想是年來摹成舊搨硯花開矣莫非
他冶貌與柔心一變都如此

月上海棠

月照

畫廊曲曲通金井捲湘簾月照流蘇冷人睡桃笙最
貪看遍身花影釵橫處盤手靈蛇委枕 香沉小鴨
餘殘餅鏡臺邊早沁明朝粉好夢中間料應知有人
廝近那知被夢裏人兒驚寢

離亭燕

送孫曾三之汝寧

唱罷驪歌君去正正是紅橋飛絮柳岸朱樓簾盡捲人

指吟鞭遙覩風綽酒旗邊早又邀人欲住 多少雲
山烟樹多少竹塘花嶼褥地錦天看不盡好好把詩囊
間貯他日侍高堂說向黃山深處

師師令

人前

斜簪玉導倚玉臺重照人來故故不寒温窄地對鏡
中微笑正卸譚鞦紅欲耀把杏衫輕罩 等閒說遍
情難告見星眸微掉漫將銀筯撥香灰文津閣本作
爐畫箇字與伊知道還向屏山斜處靠把鸚哥閒教
譚鞦婦人梳時臂衣

百媚娘

為阮亭題青溪冊葉同程邨羨門作乍遇

忽見見璧人縹緲鸚鵡呼茶偏早迎門桂子方文津閣
本作纔傳語執燭櫻桃先到半晌出來深福了洛浦
珠光繞 金線巷頭原杏錦帶坊前應少暗憶舊觀
都不似此際相逢偏好乍飲便教斟鵲腦薄醉扶行
悄小玉傳有桂子櫻桃俱婢名李師師居金線巷東
京佳麗在錦帶坊鵲腦入酒令人相思

又弈棋

小院銅環雙扣何事堪消殘酒漫拂玉紋楸局子賭

箇今宵無偶半局便知郎欲覆先逐康猗走。若使
白頭相守應是橘中仙叟一。緬態盈娘子襪輸與兒
家着否輸罷猶然第二手好比吳興柳康猗用唐明
皇事巴林人園橘大如三斗盜剖卽有叟對弈一日
我輸王母女態盈娘子躋虛龍縞襪入緬梁武命次
碁品三卷凡二百七十八人柳惲第二

又私語

厭舞樽前雙柘說向枕邊燈下幾見鮫綃親裏淚纔
信儂言非假軟語商量難待夜准擬將身嫁。阿母
聽來應訝覓箇酒殘歌暇私學長生傳密誓暗覺口
脂飄麝却更漏眊秋欲瀉微潤櫻桃液

又迷藏

慵把草兒重鬪慵把鈎兒私授學得雙文通內裏捉
向小樓前後鸚鵡明知花幔覆消息何曾漏。行處
落些紅豆潛處露些紅袖葉密花深渾未覺石畔猛
聽微嗽覓到者邊何處走輸了鴛鴦扣元詩小樓前
後捉迷藏元衍詞云者邊走那邊走只是尋花柳

又彈琴

人說笙簫偏好却把金徽藏了爲有知音今夜聽拚
剪麻姑仙爪三尺落霞雙袖遶流水溶溶曉。簾外

黃鶯休攬架上綠鸚應悄贏得檀郎渾不語但見篆
烟微裊撫罷倩郎更別調彈箇求凰操落霞琴名流
水曲名

又讀書

滿架牙籤曾購入掌茶杯常覆郎著新書還未較玳
瑁親教裝就盥罷薔薇按荳蔻細把丹鉛讀却羨
長門曾售更似凌雲堪奏狂燭饒脂都換却坐徹蓮
花宵漏漸覺輕寒肩上透便擁蕭郎袖茶杯常覆李
易安事薔薇露盥手又荳蔻盥手名澡豆寧王好聲
色有燭百炬酒酣作狂則燭昏昏如掩嬾婦魚脂作
燈照筵宴則明一名饒魚脂

又偷窺

比翼雙鷓堪羨比目雙魚曾願聞道月精交月孕影
動銀蟾如練久覩苔陰纔欲轉忘墮釵頭燕網戶
玲瓏看便驚醒隔簾花片那畔倚窗誰竊笑應是何
郎偷見驀地凝眸紅暈面倚徙欄杆遍

又祕戲

雨滴桐花鴛鴦風約蘭缸如豆却怪神機枕畔盒何
物將人儻憊魚鎖沉沉傳玉漏香浸交紅覆還把
雙星私咒水誓蘭期偏久釵影釧文俱蕩漾光凝紅

酥欲透抱日癡雲將做書姊妹應來候神機枕用史
鳳事唐詩嬌郎癡若雲抱日西窗曉史鳳有交紅被
疑去聲

傳言玉女

索枕

一枕春生香煖桃笙小簟當年初繡親染鴛鴦線而
今獨自對得鴛鴦靦覷雙蓮枝上泪潮深濺可歎
雙肱被春眠都曲軟游仙好枕借向邯鄲店奴從金
屋也得夢兒方便莫教驚墮一團花片

釵頭鳳

七夕爲嫦娥賦

鵲橋駕銀河瀉嫦娥正送天孫嫁寒宮內清暉改當
年竊藥情輕背奔到蟾宮寂寥無奈悔悔緣難
借情甘舍笑他會合剛今夜憐分袂遙相對織完錦
泪明年再何似孤栖長依仙桂奈奈奈

河滿子

同程邨閑話

雖病猶能縱酒惟窮然後工詩欲與孔方新結好他
言素不相知若輩福應如許吾儂分合如斯舊是
愛花成癖新添惜墨成癡若比孤山林處士但非鶴

子梅妻願得任從吾好何妨不合時宜

風入松 第二

索筆

閒擎綵筆染香膠自把黛痕描而今老去中書令奈
描來半損輕妖待倩歐家紫脚更須蔡氏紅腰 好
憑青鳥索香毫囑付幾嘵叨一春腕弱時欹顛學不
成書聖丰標寫得鴛鴦字軟染來蛺蝶圖嬌景華錄
歐陽詢筆管用紫脚梨又筆工蔡輔有紅腰勛股二
種

于飛樂 第二體

索扇

想輕紈初棄也漢院初秋早班姬吹動新愁奈秋千
力倦後香汗微流春風解珮只消承楊柳風柔 唱
舞衣歌扇句凝望雲頭怎禁他滿月難鏤問卿卿時
新篔買向梁州寄來粧閣寫些兒小字銀鈎

剔銀燈 第二體

索粉

記得柳堤初餞春風省送蓮花豔湯餅親餐香巾拭
汗妾面何如郎面別來瘦減更難入蕭郎青眼 仙
的勻來深淺還羞把輕羅微掩一捻粉丸數匙榴汁

索補芙蓉雙臉盈盈小靨纔稱得朱櫻一點

御階行

畫廊

畫廊窗小蟬紗護彷彿巫山雲路人來花下看模糊
幾把玉郎呼誤一回纔是臨風鶴筆真箇花間度
帶如朝雨濃如霧多少情懷未訴脫將錦臂與郎添
早慮歸時多露一番歡愛一番惆悵兩兩頻迴顧

一叢花

閨情

銀華九寸水溶溶長自映芙蓉春風一夜吹愁去相
看處漸覺眉鬆浮溜纔梳方空新換不似舊時慵
筆床簫局幾塵封閒情拂拭中捲簾欲放遊絲入相
看處重憶春風草綠無痕花紅未落不見去來蹤九
寸銀華鏡見初學記

送入我門來

賦情

篆髻看梳弓趺看裏後堂不避人來爲愛吟詩長日
鎮相陪圍棋幾卸搔頭賭更行酒常藏約指猜
最是鐘聲敲處每向燈前分手無限徘徊到得而今常
是隔蓬萊水流墻外桃花去只風引雛時燕子迴

金人捧露盤

閨情

杏花煙桃花雨柳花風愁中過偏覺匆匆姊歸何意
不教春色駐簾櫳粧成無事朱欄外數盡殘紅
床閒琴床冷繡床委筆床封却都爲玳瑁床空銀床
新汲轆轤更覺似心中春歸何處偏難道郎處方儂

踏青游

南村

郭外青青風日如今方美覓一箇板橋娘子向前村
尋詩思見宿水鷗鷺起白蕩小舟三四晒漁蓑綠楊
煙裏有箇漁家將魚換酒村肆一半下些鹽豉試
更指點松楸道百年休計南崗幾多墓一半無人掃
矣

蕙蘭芳引

詠宋團扇畫松石同程邨限韻

紈扇班姬應嫌却漢宮都小恨秋雨梧桐春信奈何
偏杳此情難畫誰堪把丹青應詔便捧黃高手怎寫
長門悄悄滿月難鏤微風進御欲陳情表便淡竹
疎松不許蝶蜂纏繞但教圖得相思雙鳥向岳宮時
得晚風輕白王建宮詞欲進微風到御床

霜天曉角

辛卯除夜

一般奇咄聽小童來說道是明朝朝元日廢吾書三歎
息流年催急更怕看新曆床頭壓歲錢兒謀之婦何
曾得 楚天遙闊親署重重驛應說小兒癡絕久不
見斑衣曳還將墨汁自寫春聯貼并書小字懸門道
以寧謹謝客

簇水

問侍兒月上花梢幾許

郵遞春風歡期暗寫吳綾帕記來心上便打斷小姑
閒話去把流蘇收拾等待銀蟾掛到半晌却噴郎詐
天似畫想應是紅樓遮斷偏郎處墻高麼知他來
否把墮髻先輕卸且再閒呼小婢看回迴廊下佯相
報月上花梢乍

江城梅花引

夜聽隔隣蕭氏絃索

誰將銀甲撥清商是蕭郎是蕭娘悄是玉人虛步繞
迴廊驟似避人遲似戀淒涼似誤佳期正遠望 遠
望遠望最難忘夜正涼曲未央聽也聽也聽不足更
度新腔最是一聲小妹斷人腸戚戚噯噯如對語難

禁得向東風訴恨長絃索有小妹子曲

愁春未醒

青兒曲有引

青兒者邑先達楊中丞家妓也今作予家僕婦嗟哉
惟悴矣然猶記旗亭舊曲適文夏右文艾菴程邨諸子
同渠舊主人東起過飲因索清歌覺有羞見江東之意
其意瑟瑟似聽潯陽江上聲詞以傷之還恐才人老大
都如是耳

千金不惜歌舞教成似燕離巢後呢喃猶作畫梁聲
自分年踰絃索笙簫讓後生今宵何事重聞呼喚幾
度如醒 歌奏清音花檀乍拍淚已盈盈幸得非牙
郎買絹不受伊輕但覺歌餘蘆花楓葉滿中庭最堪
憐是卿猶既嫁我未成名

鵲踏花翻

語內

潦倒逢場支離擁妓連宵熬紅魚賭到今典盡鸚
鵡三斗難沽拔卿頭上釵雙股醒時叉手月中吟醉
時雙髻風前舞 淒楚空挾酒龍詩虎悔不當初尊
阿堵且幸由房相慰算來不似蘇季劉伶婦相攜負
鋪已西風敝裘猶自為儂補

醉翁操

琴曲贈濟野墅居停

醉翁匆匆相逢問何如黃公爲憐客子兮途窮自言
座上樽中酒不空飲予在花叢花飲清霜兮醉紅
杯盤狼籍我亦龍鍾洗觴更酌撫壁上上之焦桐一鼓
而召清風再鼓而和長松愁多曲未終噫我來自東
我別兮忡忡君其目送兮飛鴻

法曲奏仙音

護燈花

燒得燈明照他花睡小苑看花如晝可愛銀釭綻開
金蕊欲與枝頭相鬪奈早有封姨妬吹將紅燭溜光
如豆 算風流可能長久應似我薄命偏多儂慙長
是怕他殘護多時頻勞纖手一點香煤落將來把衣
汚否又還從燈下細檢銀泥雙袖

十五家詞卷三十一

十五卷 同卷二十

西香又豈發我登不曉劍難我雙劍

長印印印發難多却敢發鳴毛一掃香其谷錄來明

成豆 真風無四論其及熱如非前命國多到到

金蕊焙與封與時國奈早育其熱我如錄立國密米

款辭欲和和熱命并細小並能行我書何變難良端開

雙劍詩

長曲奏山音

我保金中竹吾其目發金無新

而不氣風再境而味長味移移曲未端歌我來自東

林盤那蘇我衣請戰我謝更知細對聖士土之熱斷一

皇十上蘇中取不空燈下并芬養芬外煇散露金細

酒余及及林登詞何我黃公公為對客千金金錄自

琴曲歌高理王引

中華民國玖貳年陸月拾日

酒余詩



國家圖書館



002512084

